


劉賓客文集 附補遺

三





劉賓客文集

附補遺

(三)

劉禹錫著

王雲五主編  
叢書集成初編  
劉賓客文集  
附補遺  
三冊

中華民國二十六年六月初版

著者 劉禹錫

發行人 王雲五  
上海河南路

印刷所 商務印書館  
上海河南路

發行所 商務印書館  
上海及各埠

# 劉賓客文集卷二十一

## 雜興三十一首

### 學阮公體三首

少年負志氣。信道不從時。只言繩自直。安知室可欺。百勝難慮敵。三折乃良醫。人生不失意。焉能暴已知。  
一作慕  
知已

朔風悲老驥。秋霜動鷺禽。出門有遠道。平野多層陰。滅沒馳絕塞。振迅拂華林。不因感衰節。安能激壯心。昔賢多使氣。憂國不謀身。目覽千載事。心交上古人。侯門有仁義。靈臺多苦辛。不學腰如磬。徒使甑生塵。

### 偶作二首

終朝對尊酒。嗜興非嗜甘。終日偶衆人。縱言不縱談。世情閒盡見。藥性病多諳。寄謝嵇中散。予無甚不堪。萬卷堆牀書。學者識其真。萬里長江水。征夫度要津。養生非但藥。悟佛不因人。燕石何須辨。逢時卽至珍。

### 古調一作調古二首

軒后初冠冕。前旒爲蔽明。安知從複道。然後見人情。簿領乃俗士。清談信古風。吾觀蘇令綽。朱墨一何工。

### 寓興二首

常談卽至理。安事非常情。寄語何平叔。無爲輕老生。  
世途多禮數。鵬鷖各逍遙。何事陶彭澤。拋官爲折腰。

昏鏡詞 并引

鏡之工。列十鏡於賈奩。發奩而視。其一皎如。其九霧如。或曰。良苦之不侔甚矣。工解頤謝曰。非不能盡良也。蓋賈之意。唯售是念。今來市者。必歷鑒周睠。求與己宜。彼皎者不能隱芒杪之瑕。非美容不合。是用什一其數也。予感之。作昏鏡詞。

昏鏡非美金。漠然喪其晶。陋容多自欺。謂若他鏡明。瑕疵旣闕一作不見。妍態隨意生。一日四五照。自然美傾城。飾帶以紋繡。裝匣以瓊瑛。秦宮豈不重。非適乃爲輕。

養鷲詞 并引

途逢少年志在逐。絕句一方呼鷹隼以襲飛走。因縱觀之。卒無所獲。行人有常從事於斯者曰。夫鷲禽飢則爲用。今哺之過篤。故然也。予感之。作養鷲詞。  
養鷲非玩形。所資擊鮮力。少年昧其理。日月一作夜哺不息。探雛網黃口。且莫有餘食。甯知下韝時。翅重飛不得。稽颡止林表。狡兔自南北。飲啄旣已盈。安能勞羽翼。

武夫詞 并引

有武夫過。詫余以從軍之樂。翌日。質於通武之善經者。則曰。果有樂也。夫威恣而賞勞。則樂用。威雌一作雄。

而賞覲則樂橫去聲。顧其樂安出耳。予惕然作是詞。

武夫何洸洸。在紫襲絳裳。借問胡為爾。列校在鷹揚。依倚將軍勢。交結少年場。探丸害公吏。袖刃妒名倡。家產既不事。願眊自生光。酣歌高樓上。袒裼大道傍。昔為編戶人。乘耒甘哺糠。今來從軍樂。躍馬飢持一作。梁猶思風塵起。無種取侯王。

賈客詞 井引

五方之賈。以財相雄。而鹽賈尤熾。或曰。賈雄則農傷。予感之作是詞。

賈客無定遊。所遊唯利并。眩俗雜良苦。乘時取重輕。心計析秋毫。捶鉤侷懸衡。錐刀既無棄。轉化日已盈。徽福禱波神。施財遊化城。妻約雕金釧。女垂貫珠纓。高貲比封君。奇貨通倖卿。趨時驚鳥思。藏鏹盤龍形。大艫浮通川。高樓次旗亭。行止皆有樂。關梁自無征。農夫何為者。辛苦事寒耕。

調瑟詞 井引

里有富豪翁。厚自奉養而嚴督臧獲。力屈形削。然猶役之無藝極。一旦不堪命。亡者過半。追亡者亦不來。復翁頓沮。而追昨非之莫及也。予感之作調瑟詞。  
調瑟在張弦。弦平音自足。朱絲二十五。闕一不成曲。美人愛高張。瑤軫再三促。上弦雖獨響。下應不相屬。日莫聲未和。寂寥一枯木。卻顧膝上弦。流淚難相續。

讀張曲江集作 井序

世稱張曲江爲相。建言放臣不宜與善地。多徙五溪不毛之鄉。及今讀其文。自內職牧始安。有瘴癘之歎。自退相守荆門。有拘囚之思。託諷禽鳥。寄詞草樹。鬱然與騷人同風。嗟夫。身出於遐陬。一失意而不能堪。矧華人士族。而必致醜地。然後快意哉。議者以曲江爲良臣。識胡雖有反相。羞凡器與同列。密啓廷爭。雖古哲人不及。而燕翼無似。終爲餒魂。豈伎心失恕。陰譎最大。雖二美莫贖邪。不然。何袁公一言明楚獄。而鍾社四葉。以是相較。神可誣乎。予讀其文。因爲詩以弔。

聖言貴忠恕。至道重觀身。法在何所恨。色傷一作相斯爲仁。良時難久恃。陰譎豈無因。寂寞韶陽廟。魂歸不見人。

庭梅詠寄人

蚤花常犯寒。繁實常苦酸。何事上春日。坐令芳意闌。天桃定相笑。遊妓肯回看。君問調金鼎。方知正味難。

詠古二首有所寄

車音想麟麟。不見綦下塵。可憐平陽第。歌舞嬌青春。金屋容色在。文園詞賦新。一朝復得幸。應知失意人。寂寂照鏡臺。遺基古南陽。真人昔來遊。翠鳳相隨翔。目成在桑野。志遂貯椒房。豈無三千女。初心不可忘。

詠史二首

驃騎非無勢。少卿終不去。世道劇頽波。我心如砥柱。賈生明王道。衛綰上車戲。同遇漢文時。何人居貴位。

苦雨行

悠悠飛走情。同樂在陽和。歲中三百日。常恐風雨多。天人信遐遠。時節易蹉跎。洞房有明燭。無乃酣且歌。

萋兮吟

天涯浮雲生。爭蔽日月光。窮巷秋風起。先摧蘭蕙芳。萬貨列旗亭。恣心注明璫。名高毀所集。言巧智難防。勿謂行大道。斯須成太行。莫吟萋兮什。徒使君子傷。

經檀道濟故壘

萬里長城壞。荒營野草秋。秣陵多士女。猶唱白符鳩。史云。當時人歌曰。可憐白符鳩。枉殺檀江州。

題欵器圖

秦國功成思稅駕。晉臣名遂歎危機。無因上蔡牽黃犬。願作丹徒一布衣。

聚蚊謠

沈沈夏夜閑。堂開飛蚊伺。暗聲如雷嘈。然欵起初駭聽。般般若自南山來。喧騰鼓舞喜昏黑。昧者不分聰者惑。露花滴瀝月上天。利觜迎人看不得。我軀七尺爾如芒。我孤爾衆能我傷。天生有時不可遏。爲爾設幄潛匡牀。清商一來秋日曉。羞爾微形飼丹鳥。

百舌吟

曉星寥落春雲低。初聞百舌間關啼。花樹滿空迷處所。搖動繁英墜紅雨。笙簧百轉音韻多。黃鸝吞聲燕



無語。東方朝日遲遲升。迎風弄景如自矜。數聲不盡又飛去。何許相逢綠楊路。縣蠻宛轉似娛人。一心百舌何紛紛。醜顏俠少停歌聽。墜珥妖姬和睡聞。可憐光景何時盡。誰能低回避鷹隼。廷尉張羅自不關。潘郎挾彈無情損。天生羽族爾何微。舌端萬變乘春輝。南方朱鳥一朝見。索漠無言蒿下飛。

飛鳶操

鳶飛杳杳青雲裏。鳶鳴蕭蕭風四起。旗尾飄揚勢漸高。箭頭書劃聲相似。長空悠悠霽日懸。六翮不動凝飛烟。遊鷲朔鴈出其下。慶雲清景相回旋。忽聞饑鳥一噪聚。瞥下雲中爭腐鼠。騰音礪吻相喧呼。仰天大嚇疑鴛鴦。畏人避犬投高處。俛啄無聲猶屢顧。清鳥自愛玉山禾。仙禽徒貴華亭露。樸遯一作危巢向莫時。鴛鴦飽腹蹲枯枝。遊童挾彈一麾肘。臆碎羽分人不悲。天生衆禽各有類。威鳳文章在仁義。鷹隼儀形。螻蟻心。雖能戾天何足貴。

秋螢引

漢陵秦苑遙蒼蒼。陳根腐葉秋螢光。夜空寂寥金氣淨。千門九陌飛悠揚。紛綸暉映互明滅。金鑪星噴鎧花發。露華洗濯清風吟。攢昂不定招搖垂。高麗罽思過珠網。斜歷璇題舞羅幌。暴衣樓上拂香羃。承露臺前轉仙掌。槐市諸生夜對書。北窗分明辨魯魚。行子東山起征思。中郎騎省悲秋氣。銅雀人歸自入簾。長門帳開來照淚。誰言向晦常自明。童兒走步嬌女爭。天生有光非自衒。遠近低昂暗中見。撮蚊罅鳥亦夜飛。一作起。翅如車輪人不見。一作已矣。

華山謠

洪鑪作高山。元氣鼓其橐。俄然神功就。峻拔在寥廓。靈蹤露指爪。殺氣見稜角。凡木不敢生。神仙聿來託。天資帝王宅。以我一作此爲關鑰。能令下國人。一作不見換神骨。高山固無限。如此方爲嶽。丈夫無特達。雖貴猶碌碌。

磨鏡篇

流塵翳明鏡。歲久看如漆。門前負局生。爲我一磨拂。萍開綠池滿。暈盡金波溢。白日照空心。圓光走幽室。山神祇氣沮。野魅真形出。卻思未磨時。瓦礫來唐突。

有獼吟

有獼得嘉魚。自謂天見憐。先祭不敢食。捧鱗望清玄。人立寒沙上。心專脰著肩。一作眼漁翁以爲妖。舉塊投其前。一作咽呼兒貫魚歸。與獼同烹煎。關關黃金鸚。大翅搖江烟。下見盈尋魚。投身擘洪漣。攢拳隱鱗去。哺雛林岳巔。鷗鳥欲伺隙。遙噪莫敢前。長居青雲路。彈射無由緣。何地無江湖。何水無鮪鱣。天意不宰割。菲祭徒虔虔。空餘知禮重。載在淹中篇。



# 劉賓客文集卷二十二

## 五言今體三十首

春日退朝

紫陌夜來雨。南山朝下看。  
戟枝迎日動。閣影助松寒。  
瑞氣卷綰縠。遊光泛波瀾。  
御溝新柳色。處處拂歸鞍。

經東都安國觀九仙公主舊院作

仙院御溝東。今來事不同。  
門開青草日。樓閉綠楊風。  
將犬昇天路。披霓赴月宮。  
武皇曾駐蹕。親問主人翁。

蜀先主廟

漢末諸黃牛白腹五銖當復

天下一作地英雄氣。千秋尙凜然。  
勢分三足鼎。業復五銖錢。  
得相能開國。生兒不象賢。  
淒涼蜀故妓。來舞魏

宮前。

觀八陳圖

軒皇傳上略。蜀相運神機。  
水落龍蛇出。沙平鵝鶴飛。  
波濤無動勢。鱗介避餘威。  
會有知兵者。臨流指是非。

八月十五日夜玩月

天將今夜月。一徧洗寰瀛。  
暑退九霄淨。秋澄萬景清。  
星辰讓光彩。風露發晶英。  
能變人間世。儼然是玉京。

許給事見示哭工部劉尙書詩因命同作

漢室賢王後。從叔望在河間孔門高第人。濟時成國器。樂道任天真。特達圭無玷。堅貞竹有筠。總戎寬得衆。市義

貴能貧。護塞無南牧。馳心拱北辰。乞身來闕下。賜告臥漳濱。榮耀初題劍。清羸已控紳。宮星徒列位。隙日

不回輪。自昔追飛侶。今爲侍從臣。素弦哀已絕。青簡歎猶新。未遂揮金樂。空悲撤瑟晨。淒涼竹林下。無復

見清塵。從叔自渭北節度以疾歸朝。比反拜尙書竟不克中謝。

奉和中書崔舍人八月十五日夜玩月二十韻

莫景中秋爽。陰靈既望圓。騰精浮碧海。分照接虞淵。迴見孤輪出。高從倚蓋旋。二儀含皎澈。萬象共澄鮮。整御當西陸。舒光麗上玄。從星變風雨。順日助陶甄。遠近同時望。晶熒此夜偏。運行調玉燭。潔白應金天。曲沼疑瑤鏡。通衢若象筵。逢人盡冰雪。遇境卽神仙。引素吞銀漢。凝清洗綠烟。臯禽警露下。鄰杵思風前。水是還珠浦。山成種玉田。劍沈三尺影。鐙罷九枝然。象外行無迹。寰中影有一作遷。稍當雲闕正。未映斗城懸。靜對揮宸翰。閑臨變彩牋。境同牛渚上。宿在鳳池邊。興掩尋安道。詞勝命仲宣。從今紙貴後。不復詠陳篇。

奉和淮南李相公蚤秋卽事寄成都武相公

八柱共承天。東西別隱然。遠夷爭慕化。真相故臨邊。並進夔龍位。仍齊龜鶴年。相公詩有齊年並進之句也。同心舟已

濟。造膝壁常聯。對領專征寄。遙持造物權。斗牛添氣色。井絡靜氛烟。獻可通三略。分甘出萬錢。漢南趨節

制。趙北賜山川。玉帳觀渝舞。虹旌獵楚田。步嫌雙綬重。夢入九城偏。秋與一作雨離情動。詩從樂府傳。聆音

還竊抃不覺撫玄弦。李中書自揚州見示詩本因命仰和。

元和癸巳歲仲秋詔發江陵偏師問罪蠻徼後命宣慰釋兵歸降凱旋之辰率爾成詠寄荆南嚴司空

蠻水阻朝宗。兵符下渚宮。前籌得上策。無戰已成功。漢使星飛入。夷心草偃同。歡謠開竹棧。拜舞擲桑弓。就日知冰釋。投人念鳥窮。網羅三面解。章奏九門通。卉服聯操袂。雕題盡鞠躬。降幡秋練白。驛騎畫塵紅。火號休傳警。機橋罷巨空。登山不見虜。振旆自生風。江遠煙波靜。軍回氣色雄。佇看聞喜後。金石賜元戎。

武陵書懷五十韻并引

按天官書。武陵當翼軫之分。其在春秋及戰國時。皆楚地。後爲秦惠王所并。置黔中郡。漢興更名曰武陵。東徙予今治所。常林義陵記云。初項籍殺義帝於郴。武陵人曰。天下憐楚而興。今吾王何罪。乃見殺。郡民縞素哭於招屈亭。高祖聞而義之。故亦曰義陵。今郡城東南亭舍其所也。晉宋齊梁間。皆以分王子弟。事存於其書。永貞元年。余始以尙書外郎出補連山寺道貶爲是郡司馬。至則以方志所載。而質諸其人民。顧山川風物。皆騷人所賦。乃具所聞見而成是詩。因自述其出處之所以然。故用書懷爲目云。

西漢開支郡。南朝號戚藩。四封當列宿。百雉俯清沅。高岸朝霞合。驚湍激箭奔。積陰春暗度。將霽霧先昏。俗尙東皇祀。謠傳義帝冤。桃花迷隱迹。棟葉慰忠魂。戶算資漁獵。鄉豪恃子孫。照山畚火動。蹋月俚歌喧。擁楫舟爲市。連蕙竹覆軒。披沙金粟見。拾羽翠翹翻。茗折滄溪秀。蘋生枉渚暄。滄溪茶爲邑人所。重枉渚近在郭東。禽鷺格。

磔起魚戲。噉鳴繁。按本草經曰：鷓鴣聲如鉤輪格磔者是也。沈約臺榭故。李衡墟落存。隱侯臺木奴洲並在。湘靈悲鼓瑟。泉客泣酬恩。露

變兼葭浦。星懸橘柚村。虎咆空野震。蠶扑滿川渾。鄰里皆遷客。兒童習左言。炎天無列井。霜月見芳蓀。清

白家傳貴。詩書志所敦。列料叨甲乙。從宦出邱樊。結友心多契。馳聲氣尚吞。士安曾重賦。元禮許登門。草

檄嫖姚幕。巡兵戊己屯。築臺先自隗。送客獨留髡。遂結王畿綬。來觀衢室尊。鳶飛入鷹隼。魚目儷瓊瑤。曉

燭羅馳道。朝陽闕帝關。王正會夷夏。月朔盛旗幡。獨立當瑤闕。傳訶步紫垣。按章清岸獄視祭潔蘋蘩御

歷昌期遠。傳家寶祚蕃。繇文光夏啓。神教畏軒轅。內禪因天性。膺圖授化元。繼明懸日月。出震統乾坤。大

孝三朝備。洪恩九族惇。百川宗渤海。五岳輔崑崙。何幸逢休運。微班識至尊。校繹資堯權。復土奉山園。時

本官判度支鹽鐵等兼崇陵使判官一失貴人意。徒聞太學論。直廬辭錦帳。遠守愧朱轡。巢幕方猶燕。搶榆尙笑鯤。遭回過

荆郢。流落感涼溫。旅望花無色。愁心醉不悁。春江千里草。莫雨一聲猿。問卜安冥數。看方理病源。帶賒衣

改製。塵澀劍成痕。三秀悲中散。二毛傷虎賁。來憂禦魍魅。歸願牧雞豚。就日秦京遠。臨風楚奏煩。南登無

灞岸。旦夕上高原。

經伏波神祠

蒙蒙篔簹竹。下有路上壺頭。漢壘磨隄鬪。蠻溪霧雨愁。懷人敬遺像。閱世指東流。自負霸王略。安知恩澤侯。

鄉園辭石柱。筋力盡炎洲。一以功名累。翻思馬少游。

聞董評事疾因以書贈董生奉內典

繁露傳家學。青蓮譯梵書。火風乖四大。文字廢三餘。欵枕晝眠晚。折巾秋鬢疎。武皇思視草。誰許茂陵居。

贈澧州高大夫司馬霞寓

前年收一作牧錦城。馬蹋血泥行。千里追戎首。三軍許勇名。殘兵疑鶴唳。空壘辨烏聲。一誤雲中級。南游湘

水清。

宿誠禪師山房題贈二首

晏坐白雲端。清江直下看。來人望金刹。講席繞香壇。虎嘯夜林動。鼯鳴秋澗寒。衆音徒起滅。心在淨中觀。不出孤峯上。人間四十秋。視身如傳舍。閱世甚東流。法爲因緣立。心從次第修。中宵問眞偈。有住是吾憂。

晚泊牛渚

蘆葦晚風起。秋江鱗甲生。殘霞忽改色。旅鴈有餘聲。戍鼓音響絕。漁家燈火明。無人能詠史。獨自月中行。

罷郡歸洛陽閑居

十年江外一作海守。旦夕有歸心。及此西還日。空成東武吟。花間數殘酒。月下一張琴。聞說功名事。依前惜

寸陰。

城東閑遊

借問池臺主。多居要路津。千金買絕境。永日屬閑人。竹逕繁紆入。花林委曲巡。斜陽衆客散。空鎖一園春。

罷郡歸洛陽寄友人



遠譚年猶少。初歸鬢已衰。門閑故吏去。室靜老僧期。不見蜘蛛集。頻爲儂句欺。穎微囊未出。寒甚谷難吹。濩落唯心在。平生有已知。商歌夜深後。聽者竟爲誰。

陝州河亭陪韋五大夫雪後眺望因以留別與韋有布衣之舊一別二紀經遷貶而歸

雪霽大陽津。城池表裏春。河流添馬頰。原色動龍鱗。萬里獨歸客。一枵逢故人。因高向西望。關路正飛塵。

途中蚤發

中庭望啓明。促促事晨征。寒樹鳥初動。霜橋人未行。水流白煙起。日上彩霞生。隱士應高枕。無人問姓名。

初至長安時自外郡再授郎官

左遷凡二紀。重見帝城春。老大歸朝客。平安出嶺人。每行經舊處。卻想似前身。不改南山色。其餘事事新。

大和戊申歲大有年詔賜百寮出城觀秋稼謹書盛事以俟采詩者

長安銅雀鳴。秋稼與雲平。玉燭調寒暑。金風報順成。川原呈上瑞。恩澤賜閑行。欲及重城掩。猶聞歌吹聲。

早秋集賢院卽事時爲學士

金數已三伏。火星正西流。樹含清露曉。閣倚碧天秋。灰琯應新律。銅壺添夜籌。商飈從朔塞。爽氣入神州。

蕙草香書殿。槐花點御溝。一作樓

山明眞色見。水淨濁煙收。蚤歲忝華省。再來成白頭。幸依羣玉府。一作末

路向一作瀛洲。

金陵懷古

潮滿冶城渚。日斜征虜亭。蔡芳一作洲新草綠。幕府舊烟青。興廢由人事。山川空地形。後庭花一曲。幽怨不堪聽。

畫居池上亭獨噲

日午樹陰正。獨噲池上亭。靜看蜂教誨。閑想鶴儀形。法酒調神氣。清琴入性靈。浩然機已息。几杖復何銘。

分司東都蒙襄陽李司徒相公書問因以奉寄

蚤忝金馬客。晚爲商洛翁。知名四海內。多病一生中。舉世往還盡。何人心事同。幾時登峴首。恃舊揖三公。

奉和吏部楊尚書太常李卿二相公策免後卽事述懷贈答十韻

文雅關西族。衣冠趙北都。有聲真漢相。無類勝隋珠。當軸龍爲友。臨池鳳不孤。九天開內殿。百辟看晨趨。誠滿澄欵器。成功別大鑪。餘芳在公論。積慶是神扶。步武離台席。徊翔集帝梧。銓材乘秦鏡。典樂去齊竽。蕭灑風塵外。逢迎詩酒徒。唯應持華皓。一作待更食萬錢廚。

門下相公榮加冊命天下同歡忝沐眷私輒敢申賀

冊命出宸衷。官儀自古崇。特膺平土拜。光贊格天功。再佩扶陽印。常乘鮑氏聰。七賢遺老在。猶得詠清風。

病中一二禪客見問因以謝之

勞動諸賢者。回來問病夫。添鑪擣雞一作煮舌。灑水淨龍鬚。身是芭蕉喻。行須邛竹扶。醫王有妙藥。能乞一丸無。



# 劉賓客文集卷二十三

## 古調十六首

登司馬錯故城

秦昭王命錯征五溪城在武陵沅江南

將軍將秦師。西南奠遐服。故壘清江上。蒼煙晦喬木。登臨值蕭辰。周覽壯前躅。塹平陳葉滿。墉高秋蔓綠。廢井抽寒萊。毀臺生穠一作穀。耕人得古器。宿雨多遺鏃。楚塞鬱重疊。蠻漢紛詰曲。留此數仞基。幾人傷遠目。

臥病聞常山旋師策勳宥過王澤大洽因寄李六侍御

寂寂重寂寂。病夫臥秋齋。夜蟲思幽壁。槁葉鳴空階。南國異氣候。火旻尙昏霾。瘴烟跼飛羽。沴氣傷百骸。昨聞凱歌旋。飲至酒如淮。無戰陋丹水。垂仁輕藁街。清廟旣策勳。圓丘俟燔柴。車書一以混。幽遠靡不懷。逐客顛顛久。故鄉雲雨乖。禽魚各有化。子欲問齊諧。

謁柱山會禪師

我本山東人。平生多感槩。弱冠遊咸京。上書金馬外。結交當世賢。馳聲隘四塞。勉修貴及蚤。狃捷不知退。錙銖揚芬馨。尋尺招瑕類。淹留郢南鄙。摧頽羽翰碎。安能咎往事。且欲去沈痗。吾師得真如。一作在人寰內。哀我墮名網。有如翾飛輩。曠曠揚智炬。照使出昏昧。靜見玄關啓。欬然初心會。夙尙一何微。今得信。

可美覺路明證入便門通懺悔悟理言自忘處屯道猶泰色身豈吾寶慧性非形礙思此靈山期未卜何年載

善卷壇下作山在柱上

先生見堯心相與去九有斯民既已治我得安林藪道為自然貴名是無窮壽瑤壇在此山識者常回首

武陵觀火詩

楚鄉祝融分災一作災火常為虞是時直突烟發自晨炊徒盲風扇其威白晝曛陽烏操綆不暇汲循牆甯避險怒如列缺光迅與焚輪俱聯延掩四達赫奕成洪鑪洵疑雲濤翻颯若鬼神趨當前迎焮絕是物同膏腴金烏入梵天赤龍遊玄都騰烟透窗戶飛焰生藥爐火山摧半空星雨灑中衢瑤壇披髹漆寶樹攢珊瑚花縣與琴焦旗亭無酒滯市人委百貨邑令遺雙鳧餘勢下隈隩長爍烘舳舻吹熒照水府炙浪愁天吳災罷雲日晚心驚視聽殊高灰辨廩庾黑土連闔閭衆燼合星羅遊氛鑱人膚厚地藏宿熱遙林呈驟枯火德資生人庸可一日無御之失其道敲石彌天隅晉庫走龍劍吳宮傷燕雛五行有沴氣先哲垂訐謔宋鄭同日起時當賢大夫無奇一作奇自可樂弭患非所圖賢守恤人瘼臨烟駐驪駒弔傷色慘怛唁失詞劬愉下令蠲里布指期輕市租閉垣適未立苦蓋自相娛山木行翦伐江泥宜瑾塗魯臣不必葺何用徵越巫

崔元受少府自貶所還遺山薑花以詩答之

故人博羅尉遺我山薑花採從碧海上來自謫僊家雲濤潤孤根陰火照晨葩淨搖扶桑日豔對瀛洲霞  
世人愛芳辛。舉擷忘幽遐。傳名入帝里。飛駟辭天涯。王濟本尙味。石崇方鬪奢。雕盤多不識。綺席乃增華。  
驛馬損筋骨。貴人滋齒牙。願予藜藿士。持此空嘆嗟。

途中蚤發

馬蹄塵上霜。月明岡頭路。行人朝氣銳。宿鳥相辭去。流水隔遠村。縵山多紅樹。悠悠關塞內。來往無閑步。  
和董庶中古散調詞贈尹果毅

昔聽東武吟。壯年心已悲。如何今溲落。聞君辛苦辭。言有窮巷士。弱齡頗尙奇。讀得玄女符。生當事邊時。  
借名遊俠窟。結客幽并兒。往來長楸間。能帶雙韃馳。崩騰天寶末。塵暗燕南垂。燼火入咸陽。詔徵神武師。  
是時占軍募。插羽揚金羈。萬夫列轅門。觀射中戟支。誓當雪國讎。親愛從此辭。中宵倚長劍。起視蚩尤旗。  
介馬晨蕭蕭。陳雲竟天涯。陰風獵百草。旗檠光參差。勇氣貫中腸。視身忽如遺。曾擒白馬將。虜騎不敢追。  
貴臣上戰功。名姓隨意移。終歲肌骨苦。他人印纍纍。謁者旣清宮。諸侯各罷戲。上將賜北第。門戟不可窺。  
曾血下沾襟。天高問無期。卻尋故鄉路。孤影空相隨。行逢里中舊。樸遯昔所嗤。一言合侯王。腰佩黃金龜。  
問我何自苦。可憐真數奇。遲回顧徒御。得色懸雙眉。翻然悞世途。撫已昧所宜。田園已蕪沒。流浪江海湄。  
鷺禽毛翻摧。不見翔雲姿。衰容蔽逸氣。子子無人知。寂寞草玄徒。長吟下書帷。爲君發哀韻。若扣瑤林枝。  
有客識其真。潺湲涕交頤。勸爾一杯酒。陶然足自怡。

望衡山

東南倚蓋卑。維嶽資柱石。前當祝融居。上拂朱鳥翮。青冥結精氣。磅礴宣地脈。還開膚寸陰。能致彌天澤。

遊桃源一百韻

沅江清悠悠。連山鬱岑寂。回流抱絕巘。皎鏡含虛碧。昏旦遞明媚。烟嵐紛委積。香蔓垂綠潭。暴龍照孤磧。

山下潭名綠蘿。名暴龍。淵明著前志。子驥思遠跡。子驥事見陶先生本記。寂寂無何鄉。密爾天地隔。金行太元歲。漁者偶探贖。

尋花得幽蹤。窺洞穿閣隙。依微聞雞犬。豁達值肝陌。居人互將迎。笑語如平昔。廣樂雖交奏。海禽心不悻。

揮手一來歸。故溪無處覓。緜緜五百載。市朝幾遷革。有路在壺中。無人知地脈。皇家感至道。聖祚自天錫。

金闕傳本枝。玉函留寶歷。禁山開祕宇。復戶潔靈宅。詔隸二十月免。舊以奉灑掃。藥檢香氛氳。醮壇烟霧羃。我來塵外

躅。瑩若朝醒析。崖轉對翠屏。水窮留畫鷁。三休俯喬木。千級攀峭壁。旭日聞撞鐘。綵雲迎躡屐。遂登最高

頂。縱目還楚澤。平湖見草青。遠岸連霞赤。幽尋如夢想。縣思屬空閱。蚤緣且忘疲。耽玩近成癖。清猿伺曉

發。瑤草陵寒折。祥禽舞蔥蘢。珠樹搖瓊瓌。羽人顧我笑。勸我稅歸輓。霓衣何飄飄。童顏潔白皙。重巖是藩

屏。馴鹿受羈勒。樓居邇清霄。蘿蔦成翠帟。仙翁遺竹杖。王母留桃核。姪女飛丹沙。青童護金液。寶氣浮鼎

耳。神光生劍脊。虛無天樂來。僊宰鬼兵役。丹邱肅朝禮。玉札工紉繹。枕中淮南方。牀下阜鄉烏。明鏡坐遙

夜。幽籟聽淅瀝。因話近世僊。聳然心神惕。乃言瞿氏子。骨狀非凡格。往事黃先生。羣兒多侮劇。警然不屑

意。元氣貯肝鬲。往往遊不歸。洞中觀博奕。言高未易信。猶復加訶責。一旦前致辭。自云仙期迫。言師有道

骨前事嘗被謫。如今三山上。名字在真籍。悠然謝主人。後歲當來覲。言畢依庭樹。如烟去無迹。觀者皆失  
次驚追紛絡繹。日莫山逕窮。松風自蕭槭。適逢修蛇見。瞋目光激射。如嚴三清居。不使恣搜索。唯餘步綱  
勢。八趾在沙磔。至今東北隅。表以壇上石。列仙徒有名。世人非目擊。如何庭廡際。白日振飛翮。洞天豈幽  
遠。得道如咫尺。一氣無死生。三光自遷易。因思人間世。前路何湫窄。警然此生中。善祝期滿百。大方播羣  
類。秀氣肖翁闢。性靜本同和。物牽成阻阨。是非鬪方寸。輩血昏精魄。遂令多天傷。猶喜見斑白。喧喧車馬  
馳。苒苒桑榆夕。共安緹繡榮。不悟泥途適。紛吾本孤賤。世業在逢掖。九流宗指歸。百氏旁攬撫。公卿偶慰  
薦。鄉曲謬推擇。居安白社貧。志傲玄纁辟。功名希自取。簪組俟揚歷。書府蚤懷鉛。射宮會發的。起草香生  
帳。坐曹烏集柏。賜宴聆簫韶。侍祠閱琮璧。嘗聞履忠信。可以行蠻貊。自迷一作希只心。妄恃干時畫。巧言  
忽成錦。苦志徒食藥。平地生峰巒。深心有矛戟。層波一震盪。弱植果淪溺。北渚弔靈均。長岑思亭伯。禍來  
昧幾兆。事去空歎惜。塵累與時深。流年隨漏滴。才能疑木鷲。報施迷夷跖。楚奏繫一作鍾儀。商歌勞甯戚。  
稟性非懸解。對境方感激。自從嬰網羅。每事問龜策。王正降雷雨。環玦賜遷斥。儻復夷平人。誓將依羽客。  
買山構精舍。領徒開講席。冀無身外憂。自有閑中益。道才一作芽。期日就塵慮。乃冰釋。且欲遺姓名。安能慕  
竹帛。長生尙學致。一漑豈虛擲。芝術資糗糧。煙霞拂巾幘。黃石履看墮。洪崖肩可拍。聊復嗟蜉蝣。何煩哀  
虺蜴。青囊旣深味。瓊葩亦屢摘。縱無西山資。猶免長戚戚。

客有爲余話登天壇遇雨之狀因以賦之



清晨登天壇。半路逢陰晦。疾行穿雨過。卻立視雲背。白日照其上。風雷走於內。漉漉雪海翻。槎牙玉山碎。咬龍露鬢鬣。神鬼含變態。萬狀互相生。百音以繁會。俯觀羣動靜。始覺天宇大。山頂自激明。人間已滯滯。豁然重昏斂。渙若春冰潰。反照入松門。瀑流飛縞帶。遙光泛物色。餘韻吟天籟。洞府撞仙鐘。村墟起夕靄。卻見山下侶。已如迷世代。問我何處來。我來雲雨外。

有僧言羅浮事因爲詩以寫之

君言羅浮上。容易見九垓。漸高元氣壯。洶湧來翼身。夜宿最高峯。瞻望浩無鄰。海黑天宇曠。星辰來逼人。是時當朏魄。陰物恣騰振。日光吐鯨背。劍影開龍鱗。倏若萬馬馳。旌旗聳滄淪。又如廣樂奏。金石含悲辛。疑其有巨靈。怪物盡來賓。陰陽迭用事。乃俾夜作晨。咿喔天雞鳴。扶桑色昕昕。赤波千萬里。踴出黃金輪。下視生物息。霏如隙中塵。醯雞仰鸞口。亦謂雲漢津。世人信耳目。方寸度大鈞。安知視聽外。怪愕不可陳。悠悠想大方。此乃栢水濱。知小天地大。安能識其真。

秋江蚤發

輕陰迎曉日。霞霽秋江明。草樹含遠思。襟懷有餘清。凝睇萬象起。朗吟孤憤平。渚鴻未矯翼。而我已遐征。因思市朝人。方聽晨雞鳴。昏昏戀衾枕。安見元氣英。納爽耳目變。玩奇筋骨輕。滄洲有奇趣。浩蕩吾將行。裴祭酒尙書見示春歸城南青松塢別墅寄王左丞高侍郎之什命同作

蚤官閱人事。晚懷生道機。時從學省出。獨望郊園歸。野釣度春水。山花映巖扉。石頭解金章。林下步綠薇。

青松鬱成塢。修竹盈尺圍。吟風起天籟。蔽日無炎威。危逕盤羊腸。連蕞聳鸞飛。幽谷響樵斧。澄潭環釣磯。因高見帝城。冠蓋揚光輝。白雲難持寄。清韻投所希。二公如長離。比翼翔太微。含情謝林壑。酬贈駢珠璣。顧予久郎一作郎。潛愁寂對芳菲。一聞邱中趣。再撫黃金徽。

和河南裴尹侍郎宿齋太一作天平寺詣九龍祠祈雨二十韻

有事九龍廟。絜齋梵王祠。玉簫何時絕。碧樹空涼颺。吏散埃摭息。月高庭宇宜。重誠肅穆間。澗水潺湲時。人稀夜復閑。慮靜境亦隨。緬懷斷鼉足。凝想乘鸞姿。朱明盛農節。膏澤方愆期。瞻言五靈瑞。能救百穀萎。咿喔晨雞鳴。闌干斗柄垂。修容謁神像。注意陳正詞。驚飈起泓泉。若召雷雨師。黑烟聳鱗甲。灑液如棼絲。豐隆震天衢。列缺揮火旗。炎空忽淒緊。高靈懸綆縻。主物已霽霈。溼雲稍離披。丹霞啓南陸。白水含東菑。熙熙飛走適。藹藹草樹滋。浮光動皆觀。遠思盈川坻。吳公敏於政。謝守工爲詩。商山有病客。言賀舒龐眉。

冬夜宴河中李相公中堂命箏歌送酒

朗朗鷓鴣弦。華堂夜多思。簾外雪已深。坐中人半醉。翠娥發清響。曲盡有餘意。酌我莫憂狂。老來無逸氣。



# 劉賓客文集卷二十四

## 七言五十六首

### 西塞山懷古

西晉王濬一作樓船下益州。金陵王氣黯然收。千尋鐵鎖沈江底。一片降幡出石頭。人世幾回傷往事。山形依舊枕寒流。今逢四海爲家日。故壘蕭蕭蘆荻秋。

### 陽山廟觀賽神梁松南征至此遂爲其神在朗州

漢家都尉舊征蠻。血食如今配此山。曲蓋幽深蒼檜下。洞簫愁絕翠屏間。荆巫脈脈傳神語。野老婆娑啓醉顏。日落風生廟門外。幾人連蹋竹歌還。

### 漢壽城春望古荊州刺史治亭其下有子胥廟兼楚王故墳

漢壽城邊野草春。荒祠古墓對荆榛。田中牧豎燒芻狗。陌上行人看石麟。華表半空經霹靂。碑文纔見滿埃塵。不知何日東瀛變。此地還成要路津。

### 後梁宣明二帝碑堂下作

玉馬朝周從此辭。園陵寂寞對豐碑。千行宰樹荊州道。莫雨蕭蕭聞子規。

### 荊州道懷古

南國山川舊帝畿。宋臺梁館尚依稀。馬嘶古樹道一作行人歇。麥秀空城澤雉飛。風吹落葉填宮井。火入荒陵化寶衣。徒使詞臣庾開府。咸陽終日苦思歸。

朗州竇員外見示與澧州元郎中郡齋贈答長句二篇因而繼和

鴛鴦差池出建章。綵旗朱戶鬱相望。新恩共理犬牙地。昨日同含雞舌香。白芷江邊分驛路。山桃蹊外接甘棠。應憐一罷金閨籍。枉渚逢春十度傷。

蚤春對雪奉寄澧州元郎中

新賜魚書墨未乾。賢人暫屈遠人安。朝驅旌旆行時令。夜見星辰憶舊官。梅蘂覆階鈴閣煖。雪峰當戶戟枝寒。甯知楚客思公子。北望長吟澧有蘭。

竇朗州見示與澧州元郎中蚤秋贈答命同作

鄰境諸侯同舍郎。芷江蘭浦恨無梁。秋風門外旌旗動。曉露庭中橘柚香。玉簾微涼宜白晝。金笳入莫應清商。騷人昨夜聞鸚鵡。不歎流年惜衆芳。

衢州徐員外使君遺以縞紵兼竹書籍因成一篇用答佳贖按此郡本自婺州析置一有州字自台州遷

爛柯山下舊仙郎。列宿來添婺女光。遠放歌聲分白紵。知傳家學與青箱。水朝滄海何時去。蘭在幽林亦自芳。聞道天台有遺愛。人將琪樹比甘棠。

唐秀才贈端州紫石硯以詩答之

端州石硯人間重。贈我應知正草玄。闕里廟中空舊物。開方竈下豈天然。玉蟾吐水霞光靜。綵翰搖風絳錦鮮。此日慵工記名姓。因君數到墨池前。

覽董評事思歸之什因以詩贈

幾年油幕佐征東。卻泛滄浪狎釣童。欹枕醉眠成戲蝶。抱琴閑望送歸鴻。文儒自襲膠西相。倚伏一作能齊塞上翁。更說扁舟動鄉思。青菰已熟奈秋風。

松滋渡望硤中

渡頭輕雨灑寒梅。雲際溶溶雪水來。夢渚草長迷楚望。夷陵土墨有秦灰。巴人淚應猿聲落。蜀客船從鳥道回。十二碧峰何處所。永安宮外是荒臺。

揚州春夜李端公益張侍御登段侍御平仲密縣李少府暘祕書張正字復元同會於水館對酒聯

句追刻燭擊銅鉢故事遲輒舉觥以飲之逮夜艾羣公沾醉紛然就枕余偶獨醒因題詩於段君

枕上以志其事

寂寂獨看金燼落。紛紛只見玉山頽。自羞不是高陽侶。一夜星星騎馬回。

逢王十二學士入翰林因以詩贈時貞元二十年王以藍田尉充學士

廐馬翩翩禁外逢。星槎上漢杳難從。定知欲報淮南詔。促召王褒入九重。

闕下口號呈柳儀曹

綵仗神旗獵曉風。雞人一唱鼓逢逢。銅壺漏水何時歇。如此相催卽老翁。

監祠夕月壇書事

其禮用畫

西嶽司分晝夜平。羲和亭午太陰生。鏗鏘揖讓秋光裏。觀者如雲出鳳城。

戲贈崔千牛

學道深山虛老人。留名萬代不關身。勸君多買長安酒。南陌東城占取春。

元和甲午歲詔書盡徵江湖逐客。余自武陵赴京宿於都亭有懷續來諸君子

雲雨江湖起臥龍。武陵樵客躡仙蹤。十年楚水楓林下。今夜初聞長樂鐘。

江陵嚴司空見示與成都武相公唱和因命同作

南荆西蜀大行臺。幕府旌門相對開。名重三司平水土。威雄八陳役風雷。彩雲朝望青城起。錦浪秋經白帝來。不是郢中清唱發。誰當丞相揆天才。

徵還京師見舊番官馮叔達

前者恩恩襍被行。十年顛顛到京城。南宮舊吏來相問。何處淹留白髮生。

改洛城古牆

粉落椒飛知幾春。風吹雨灑旋成塵。莫言一片危基在。猶過無窮來往人。

元和十一年自朗州承召至京戲贈看花諸君子

紫陌紅塵拂面來。無人不道看花回。玄都觀裏桃千樹。盡是劉郎去後栽。

再遊玄都觀絕句并引

余貞元二十一年爲屯田員外郎。時此觀未有花。是歲出牧連州。尋貶朗州司馬。居十年。召至京師。人人皆言有道士手植仙桃。滿觀如紅霞。遂有前篇。以志一時之事。旋又出牧。今十有四年。復爲主客郎中。重遊玄都。蕩然無復一樹。唯兔葵燕麥動搖於春風耳。因再題二十八字。以俟後遊。時太和二年三月。百畝庭中半是苔。桃花淨盡菜花開。種桃道士歸何處。前度劉郎今又來。

望夫石

正對和  
州郡樓

終日望夫夫不歸。化爲孤石苦相思。望來已是幾千載。只似當時初望時。

金陵五題并引

余少爲江南客。而未遊秣陵。嘗有遺恨。後爲歷陽守。跋而望之。適有客以金陵五題相示。適爾生思。歛然有得。他日友人白樂天掉頭苦吟。歎賞良久。且曰。石頭詩云。潮打空城寂寞回。吾知後之詩人不復措詞矣。餘四詠雖不及此。亦不孤樂天之言爾。

石頭城

山圍故國周遭在。潮打空城寂寞回。淮水東邊舊時月。夜深還過女牆來。

烏衣巷



朱雀橋邊野草花。烏衣巷口夕陽斜。舊來一作時王謝堂前燕。飛入尋常百姓家。

臺城

臺城六代競豪華。結綺臨春事最奢。萬戶千門成野草。只緣一曲後庭花。

生公講堂

生公說法鬼神聽。身後空堂夜不扃。高坐寂寥塵漠漠。一方明月可中庭。

江令宅

南朝詞臣北朝客。歸來唯見秦淮碧。池臺竹樹三畝餘。至今人道江家宅。

謝寺雙檜

揚州法雲寺謝鎮西宅古檜存焉

雙檜蒼然古貌奇。含烟吐霧鬱參差。晚依禪客當金殿。初對將軍映畫旗。龍象界中成寶蓋。鸞鷲瓦上出

高枝。長明鐙是前朝焰。曾照青青年少時。

韓信廟

將略兵機命世雄。蒼黃鍾室嘆良弓。遂令後代登壇者。每一尋思怕立功。

秋夜安國觀聞笙

織女分明銀漢秋。桂枝梧葉共飈颺。月露滿庭人寂寂。霓裳一曲在高樓。

洛中寺北樓見賀監草書題詩

高樓賀監昔曾登。壁上筆蹤龍虎騰。中國書流讓皇象。北朝文士重徐陵。偶因獨見空驚目。恨不同時便服膺。唯恐塵埃轉磨滅。再三珍重囑山僧。

聞韓賓擢第歸。覲以詩美之。兼賀韓十五曹長時。韓牧永州。

零陵香草滿郊坰。丹穴雛飛入翠屏。孝若歸來呈畫讚。孟陽別後有山銘。蘭陔舊地花纔結。桂樹新枝色更青。爲報儒林丈人道。如今從此鬢星星。

寄楊八壽州

風獵紅旗入壽春。滿城歌舞向朱輪。八公山下清淮水。千騎塵中白面人。桂嶺雨餘多鶴迹。茗園晴望似龍鱗。聖朝方用敢言者。次第應須舊諫臣。

李賈二大諫。拜命後寄楊八壽州

諫省新登二直臣。萬方驚喜捧絲綸。側知天子明如日。肯放淮陽南一作高臥人。

宣上人遠寄賀禮部王侍郎放榜後詩因而繼和

禮闈新榜動長安。九陌人人走馬看。一日聲名徧天下。滿城桃李屬春官。自吟白雪銓一作詞賦。指示青雲借羽翰。借問至公誰印可。支郎天眼定中觀。

贈東岳張鍊師

東岳真人張鍊師。高情雅澹世間希。堪爲烈女書青簡。久事元君住翠微。金縷機中拋錦字。玉清壇上著

霓衣雲鬢不要吹簫伴。只擬乘鸞獨自飛。

祕書崔少監見示墜馬長句因而和之

麟臺少監舊仙郎。洛水橋邊墮馬傷。塵汗腰間青鞵一作綬。風飄掌上紫遊韁。上車著作應來問。折臂三公定送方。猶賴德全如醉者。不妨吟詠入篇章。

寄楊虢州與之舊姻

避地江湖知幾春。今來本郡擁朱輪。阮郎無復里中舊。楊僕卻爲關外人。各繫一官難命駕。每懷前好易沾巾。玉城山裏多靈藥。擺落功名且養神。

秋日題寶員外崇德里新居寶時判度支案

長愛街西風景閑。到君居處暫開顏。清光門外一渠水。秋色牆頭數點山。疎種碧松通月朗。多栽紅藥待春還。莫言堆案無餘地。認得詩人在此間。

蒙恩轉儀曹郎依前充集賢學士舉韓湖州自代因寄七言

翔鸞闕下謝恩初。通籍由來在石渠。暫入南宮判祥瑞。還歸內殿閱圖書。故人猶在三江外。同病凡經二紀餘。今日薦君嗟久滯。不唯文體似相如。

途次華州陪錢大夫登城北樓春望因觀李崔合狐三相國唱和之什翰林舊侶繼踵華城山水清

高鸞鳳翔集皆忝夙眷遂題是詩

城樓四望出風塵。見盡關西渭北春。百二山河雄上國。一雙旌旆委名臣。壁中今日題詩處。天上同時草詔人。莫怪老郎呈濫吹。宦途雖別舊情親。

三鄉驛樓伏觀玄宗望女兒山詩小臣斐然有感

開元天子萬事足。唯惜當時光景促。三鄉陌上望仙山。歸作霓裳羽衣曲。僊心從此在瑤池。三清八景相追隨。天上忽乘白雲去。世間空有秋風詞。

洛下初冬拜表有懷上京故人

鳳樓南面控三條。拜表郎官蚤渡橋。清洛曉光鋪碧簾。上陽霜葉翦紅綃。省門簪組初成列。雲路鴛鴦想退朝。寄謝殷懃九天侶。搶榆水擊各逍遙。

尉遲郎中見示自南遷牽復卻至洛城東舊居之作因以和之

曾遭飛語十年謫。新受恩光萬里還。朝服不妨遊洛浦。郊園依舊看嵩山。竹含天籟清商樂。水遶庭臺碧玉環。留作功成退身地。如今只是暫時閑。

洛中酬福建陳判官見贈

潦倒聲名擁腫材。一生多故苦遭迴。南宮舊籍遙相管。東洛閑門畫未開。靜對道流論藥石。偶逢詞客與瓊瑰。怪君近日文鋒利。新向延平看劍來。

始聞秋風

昔看黃菊與君別。今聽玄蟬我卻回。五夜鸚鵡枕前覺。一年顏狀鏡中來。馬思邊草拳毛動。鵬盼青雲睡眼開。天地肅清堪四望。爲君扶病上高臺。

和蘇十郎中謝病閑居時嚴常侍蕭給事同過訪歎初有二毛作

清羸隱几望雲空。左掖鴛鴦到室中。一卷素書消永日。數莖斑鬢對秋風。菱花照後容雖改。蒼草占來命已通。莫怪人人驚蚤白。緣君合一作是黑頭翁。

酬淮南廖參謀秋夕見過之作林公昔爲揚州從事參謀從釋子反初服

揚州從事夜相尋。無限新詩月下吟。初服已驚玄髮長。高情猶向碧雲深。語餘時舉一杯酒。坐久方聞數處砧。不逐繁華計一作閑散。知君擺落俗人心。

題王郎中宣義里新居

愛君新買街西宅。客到如遊鄠杜間。雨後退朝貪種樹。申時出省趁看山。門前巷陌三條近。牆內池亭萬境閑。見擬移居作鄰里。不論時節請開關。

酬朗州崔員外與任十四兄侍御同過鄙人舊居見懷之什時守吳郡

昔日居鄰招屈亭。楓林橘樹鷓鴣聲。一辭御苑青門去。十見蠻江白芷生。自此曾沾宣室召。如今又守闔閩城。何人萬里能相憶。同舍仙郎與外兄。任侍御子外兄崔員外南宮同官

美溫尚書鎮定興元以詩寄賀

旌旗入境犬無聲。戮盡鯨鯢漢水清。從此世人開耳目。始知名將出書生。

劉駙馬水亭避暑

千竿翠竹數蓮紅。水閣虛涼玉簾空。琥珀瓊烘疑漏酒。水精簾瑩更通風。賜冰滿盃沈朱實。法饌盈盤覆碧籠。盡日逍遙避煩暑。再三珍重主人翁。

述舊賀遷寄陝虢孫常侍

南宮左輔  
兩處交代

南宮幸襲芝蘭後。左輔曾交印綬來。多病未離清洛苑。新恩已歷望仙臺。關頭古塞桃林靜。城下長河竹箭回。聞道隨車有零雨。此時偏動子荆才。

謝端一作

州吳大夫夜泊湘川見寄一絕

夜泊湘川逐客心。月明猿苦血沾襟。湘妃舊竹痕猶淺。從此因君染更深。



# 劉賓客文集卷二十五

## 雜體三十九首

### 翠微寺有感

吾王苦遊幸，離宮雲際開。朱旗迎夏早，涼軒避暑來。湯餅賜都尉，寒冰頒上才。龍髯不可望，玉座生浮埃。

### 連州臘日觀莫獠獵西山

海天殺氣薄，蠻軍部伍囂。林紅葉盡變，原黑草初燒。圍合繁鉦息，禽興大旆搖。張羅依道口，噉犬上山腰。猜鷹慮奮迅，驚麝時跼跳。瘴雲四面起，臘雪半空銷。箭頭餘鵠血，鞍傍見雉翹。日莫還城邑，金笳發麗譙。

### 觀舞柘枝二首

胡服何葳蕤，僊姬登綺墀。神飈獵紅蕖，龍燭然金枝。垂帶覆纖腰，安鈿當嫵眉。翹袖中繁鼓，傾眸迓華榭。燕秦有舊曲，淮南多冶詞。欲見傾城處，君看赴節時。

山雞臨清鏡，石燕赴遙津。何如上客會，長袖入華茵。體輕似無骨，觀者皆聳神。曲盡回身去，層波猶注人。

### 君山懷古

屬車八十一，此地阻長風。千載威靈盡，赭山寒水中。

### 秋江晚泊



長泊起秋色。空江涵霽暉。莫霞千萬狀。賓鴻次第飛。古戍見旗迴。荒村聞犬稀。軻峨扁上客。勸酒夜相依。

步出武陵東亭臨江寓望

鷹至感風候。霜餘變林麓。孤颿帶日來。寒江轉沙曲。戍遙旗影動。津晚櫓聲促。月上綵霞收。漁歌遠相續。

秋日送客至潛水驛

候吏立沙際。田家連竹溪。楓林社日鼓。茅屋午時雞。雀噪晚禾地。蝶飛秋草畦。驛樓宮樹近。疲馬再三嘶。

晚歲登武陵城願望水陸悵然有作

星象承鳥翼。蠻陬想犬牙。俚人祠竹節。仙洞閉桃花。城基歷漢魏。江源自寶巴。華表廖王墓。菜地黃瓊家。霜輕菊秀晚。石淺水文斜。樵音遠故壘。汲路明寒沙。清風稍改葉。盧橘如含葩。野橋鳴驛騎。叢祠發迴笳。跳鱗避舉網。倦鳥寄行查。路塵高出樹。山火遠連霞。夕曛轉赤岸。浮藹起蒼葭。軋軋渡溪漿。連連赴林鴉。叫關道非遠。賜環期自賒。孤臣本危涕。喬木在天涯。

湖州崔郎中曹長寄三癖詩自言癖在詩與琴酒其詞逸而高吟詠不足昔柳吳興亭臯隴首之句  
王融書之白團扇故爲四韻以謝之

視事畫屏中。自稱三癖翁。管絃泛春渚。旌旆拂晴虹。酒對青山月。琴韻白蘋風。會書團扇上。知君文字工。

爲郎分司寄上都同舍

籍通金馬門。家在銅駝陌。省闈晝無塵。宮樹遠凝碧。荒街淺深轍。古渡潺湲石。唯有嵩邱雲。堪誇蚤朝客。

登陝州城北樓卻寄京師親友

獨上百尺樓。目窮思亦愁。初日徧露草。野田荒悠悠。塵息長道白。林清宿烟收。回首雲深處。永懷帝鄉遊。請告東歸發。灞橋卻寄諸僚友。

秋晚題湖城驛池上亭

征途出灞浹。回首傷如何。故人雲雨散。滿目山川多。行車無停軌。流景同迅波。前歡漸成昔。感歎益勞歌。秋次池上館。林塘照南榮。塵衣紛未解。幽思浩已盈。風蓮墜故萼。露菊含晚英。恨爲一夕客。愁聽晨雞鳴。平蔡州三首

蔡州城中衆心死。祿星夜落照壕水。漢家飛將下天來。馬箠一揮門洞開。賊徒崩騰望旗拜。有若羣蟄驚春雷。狂童面縛登檻車。大帛一作太白天矯垂捷書。相公從容來鎮撫。常侍郊迎負文弩。四人歸業閭里閑。小兒跳踉健兒舞。

汝南晨雞喔喔鳴。城頭鼓角音和平。路傍老人憶舊事。相與感激皆涕零。老人收泣前致辭。官軍入城人不知。忽驚元和十二載。重見天寶承平時。

九衢車馬渾渾流。使臣來獻淮西囚。四夷聞風失匕筭。天子受賀登高樓。妖童擢髮不足數。血汙城西一坏土。南峯無火楚澤閑。夜行不鎖穆陵關。策勳禮畢天下泰。猛士按劍看常山。時唯常山不庭

平齊行二首

胡塵昔起薊北門。河南地屬平盧軍。貂裘代馬繞東岳。嶧陽孤桐削爲角。地形十二虜意驕。恩澤含容歷四朝。魯人皆解帶弓箭。齊人不復聞簫韶。今朝天子聖神武。手握玄符平九土。初哀狂童襲故事。文告不來方震怒。去秋詔下誅東平。官軍四合猶嬰城。春來羣鳥噪且驚。氣如壞山墮其庭。牙門大將有劉生。夜半射落撓搶星。帳中虜血流滿地。門外三軍舞連臂。駟騎函首過黃河。城中無賊天氣和。朝廷侍郎來慰撫。耕夫滿野行人歌。

泰山沈寇六十年。旅祭不饗生愁烟。今逢聖君欲封禪。神使陰兵來助戰。祆氛掃盡河水清。日觀杲杲卿雲見。開元皇帝東封時。百神受職爭奔馳。千鈞猛簾順流下。洪波涵淡浮熊羆。侍臣燕公秉文筆。玉檢告天無愧詞。當今叡孫承聖祖。岳神望幸河宗舞。青門大道屬車塵。共待葳蕤翠華舉。

城西行

城西簇簇三叛族。叛者爲誰蔡吳蜀。中使提刀出禁來。九衢車馬轟成雷。臨刑與酒栝未覆。仇家白官先請肉。守吏能然董卓臍。饑烏來覘桓玄目。城西人散秦街平。雨洗血痕無草生。

武昌老人說笛歌

武昌老將七十餘。手把庾令相問書。自言少小學吹笛。蚤事曹王曾賞激。往年鎮戍到蘄州。楚山蕭蕭笛竹秋。當時買材恣搜索。典卻身上烏貂裘。古苔蒼蒼封老節。石上孤生飽風雪。商聲五音隨指發。水中龍應行雲絕。曾將黃鶴樓上吹。一聲占盡秋江月。如今老去語猶遲。音韻高低耳不知。氣力已無心尙在。時

時一曲夢中吹

西山蘭若試茶歌

山僧後檐茶數叢。春來映竹抽新茸。宛然爲客振夜起。自傍芳叢摘鷹觜。斯須炒成滿室香。便酌砌下金沙水。驟雨松聲入鼎來。白雲滿盃花裴回。悠揚噴鼻宿醒散。清峭徹骨煩襟開。陽崖陰嶺各殊氣。未若竹下莓苔地。炎帝雖嘗未解煎。桐君有錄那知味。新芽連拳半未舒。自摘至煎頃餘木。蘭墜露香微似瑤草臨波色。不如僧言靈味宜幽寂。采采翹英爲嘉客。不辭緘封寄郡齋。甌井銅鑪損標格。何況蒙山顧渚春。白泥赤印走風塵。欲知花乳清冷味。須是眠雲跂石人。

廟庭偃松詩并引

侍中後閣前有小松。不待年而偃。丞相晉公爲賦詩。美其猶龍蛇然。植於高檐喬木間。上嶽旁軋盤蹙傾。亞似不得天和者。公以遂物性爲意。乃加憐焉。命畚土以壯其趾。使無欹。索綯以牽其幹。使不仆。盥漱之餘。以潤之。顧眄之輝。以照之。發於仁心。感召和氣。年復天闕。坐能敷舒。癖之跲蹙。化爲奇古。故雖表丈。而有偃號焉。子嘗詣閣白事。公爲道所以。且示以詩。竊感嘉木之逢時。斐然成詠。

勢軋枝偏根已危。高情一見與扶持。忽從顛顛有生意。卻爲離披無俗姿。影入巖廊行樂處。韻含天籟宿齋時。謝公莫道東山去。待取陰成滿鳳池。

答東陽于令涵碧圖詩并引

東陽令于興宗。丞相燕國公之猶子。生綺襦紈袴間。所見皆貴盛。而潔然有心。如山東書生。前年白有司。願爲親民官。以自效。遂補東陽。及莅官。以簡易爲治。故多暇日。一旦於縣五里。偶得奇境。埋沒於翳蒼中。于生自以有特操。而生於公侯家。由覆廡入仕。常愆恩歎息。因移是心。開抉泉石。芟去蘿蔦。斧凡材。畚息壤。而清溪翠岩。森立盆來。因構亭其端。題曰涵碧。碧流貫於庭中。如青龍蜿蜒。冰聲激射人。樹石雲霞列於前。昏旦萬狀。惜其居地不得有聞於時。故圖之來乞詞。旣無負尤物。予亦久翳蘿蔦者。睹之慨然。遂賦七言。以貽後之文士。

東陽本是佳山水。何況曾經沈隱侯。化得邦人解吟詠。如今縣令亦風流。新開潭洞疑仙境。遠寫丹青到雍州。落在尋常畫師手。猶能三伏凜生秋。

贈致仕滕庶子先輩

時及第人  
中最長

朝服歸來畫錦榮。登科記上更無名。壽觴每使曾孫獻。勝境長攜衆妓行。矍鑠據鞍時騁健。殷勤把酒尙多情。陵寒卻向山陰去。衣繡郎君雪裏迎。

時令子爲御史  
主務在越中

詠樹一無红柿子

曉連星影出。晚帶日光懸。本因遺採掇。翻自保天年。

庭竹

露滌鉛粉節。風搖青玉枝。依依似君子。無地不相宜。

臺城懷古

清江悠悠王氣沈。六朝遺事何處尋。宮牆隱隱麟園野。澤鶴鷓夜鳴秋色深。

題壽安甘棠館二首

公館似仙家。池清竹逕斜。山禽忽驚起。衝落半巖花。  
門前洛陽道。門裏桃源路。塵土與烟霞。其間十餘步。

與歌者米嘉榮

唱得涼州意外聲。舊人唯數米嘉榮。近來時世輕先輩。好染顛須事後生。  
一作一別嘉榮三十載。忽聞舊染髭髮。事少年。

聽舊宮中樂人穆氏唱歌

曾隨織女渡天河。記得雲間第一歌。休唱貞元供奉曲。當時朝士已無多。

渾侍中宅牡丹

徑尺千餘朵。人間有此花。今朝見顏色。更不向諸家。

唐郎中宅與諸公同飲酒看牡丹

今日花前飲。甘心醉數杯。但愁花有語。不爲老人開。

與歌者何戡

二十餘年別帝京。重開天樂不勝情。舊人唯有何戡在。更與殷勤唱渭城。

與歌童田順郎

天下能歌御史娘。花前月底奉君王。九重深處無人見。分付新聲與順郎。  
燕爾館破屏風所。畫至精人多歎賞。題之。

畫時應遇空亡日。賣處難逢識別人。唯有多情往來客。強將衫袖拂埃塵。

賞牡丹

庭前芍藥妖無格。池上芙蓉淨少情。唯有牡丹真國色。花開時節動京城。

寄陝州姚中丞時分司東都

八月天地一作氣。肅二陵風雨收。旌旗闕下來。雲日關東秋。禹跡想前事。漢臺餘故邱。裴回襟帶地。左右帝

王州。留滯悲昔老。恩光榮徹侯。相思望棠樹。一寄商聲謳。

奉酬湖州崔郎中見寄五韻

山陽昔相遇。灼灼晨葩鮮。同遊翰墨場。和樂埴簾然。一落名宦途。浩如乘風船。行當衰莫日。臥理淮海壖。猶期謝病後。共樂桑榆年。

# 劉賓客文集卷二十六

## 樂府上

### 團扇歌

團扇復團扇。奉君清暑殿。秋風入庭樹。從此不相見。上有乘鸞女。蒼蒼網蟲徧。明年入懷袖。別是機中練。

### 荊州歌二首

洛宮楊柳暗。麥城朝雉飛。可憐蹋青伴。乘暖著輕衣。今日好南風。商旅相催發。沙頭檣竿上。始見春江闊。

### 紀南歌

風烟紀南城。塵土荆門路。天寒多獵騎。走上樊姬墓。

### 宜城歌

野水遶空城。行塵起孤驛。荒臺側生樹。石碣陽鑄額。靡靡度行人。溫風吹宿麥。

### 順陽歌

朝辭官軍驛。前望順陽路。野水齧荒墳。秋蟲鏤官樹。曾聞天寶末。胡馬西南驚。城守魯將軍。拔城從此去。

### 馬嵬行



綠野扶風道。黃塵馬嵬驛。路邊楊貴人。墳高三四尺。乃問里中兒。皆言幸蜀時。軍家誅佞倖。天子捨妖姬。羣吏伏門屏。貴人牽帝衣。低回轉美目。風日爲無暉。貴人飲金屑。倏忽薨英莫。平生服杏丹。顏色真如故。屬車塵已遠。里巷來窺覷。共愛宿牀妍。君王畫眉處。履綦無復有。履組光未滅。不見岩畔人。空見淩波襪。郵童愛蹤跡。私手解盤結。傳看千萬眼。縷絕香不歇。指環照骨明。首飾敵連城。將入咸陽市。猶得買胡驚。

視刀環歌

常恨言語淺。不如人意深。今朝兩相視。脈脈萬重心。

三閣辭四首 吳肇

貴人三閣上。日晏未梳頭。不應有恨事。嬌甚卻成愁。  
珠箔曲瓊鉤。子細見揚州。北兵那得度。浪語判悠悠。  
沈香帖閣柱。金縷畫閣楣。回首降旛下。已見黍離離。  
三人出督井。一身登檻車。朱門漫臨水。不可見鱸魚。

更衣曲

博山炯炯吐香霧。紅燭引至更衣處。夜如何其夜漫漫。鄰雞未鳴寒雁度。庭前雪壓松桂叢。廊下點點懸紗籠。滿堂醉客爭笑語。嘈噴琵琶青幕中。

淮陰行五首 井引

古有長干行。言三江之事悉矣。余嘗阻風淮陰。作淮陰行以裨樂府。

簇簇淮陰市。行樓緣岸上。好日起橋竿。鳥飛驚五兩。

金一作日轉船頭。金烏指西北。烟波與春草。千里同一色。

船頭大銅鑲。靡擘光陳陳。蚤晚使風來。沙頭一眼認。

何物令儂羨。羨郎船尾燕。銜泥趁橋竿。宿食長相見。

隔浦望行船。頭昂尾憶憶。無奈挑菜時。清淮春浪輦。

競渡曲

競渡始於武陵。至今舉械而相和之。其音咸呼云何在。斯招屈之義。事見圖經。

沅江五月平隄流。邑人相將浮綵舟。靈均何年歌已矣。哀謠振楫從此起。揚枹擊節雷闐闐。亂流齊進聲轟然。蛟龍得雨鬢鬣動。蟬螭飲河形影聯。刺史臨流褰翠幃。揭竿命爵分雄雌。先鳴餘勇爭鼓舞。未至銜枚顏色沮。百勝本自有前期。一飛由來無定所。風俗如狂重此時。縱觀雲委江之湄。綵旗夾岸照蛟室。羅襪陵波呈水嬉。曲終人散空愁莫。招屈亭前水東注。

隄上行三首

酒旗相望大隄頭。隄下連橋隄上樓。日莫行人爭渡急。槳聲幽札滿中流。  
江南江北望烟波。入夜行人相應歌。桃葉傳情竹枝怨。水流無限月明多。  
長隄繚繞水裴回。酒舍旗亭次第開。日晚上簾招估客。軻義大扁落颿來。

采菱行

武陵俗嗜菱。歲秋矣。有女郎盛遊于馬湖。薄言采之。歸以御客。古有采菱曲。罕傳其詞。故賦之以俟采詩者。

白馬湖平秋日光。紫菱如錦綵鴛翔。盪舟遊女滿中央。采菱不顧馬上郎。爭多逐勝紛相向。時轉蘭橈破輕浪。長鬢弱袂動參差。釵影釧文浮蕩漾。笑語哇咬顧晚暉。蓼花緣岸扣船歸。歸來共到市橋步。野蔓繫船萍滿衣。家家竹樓臨廣陌。下有連檣多估客。攜觴薦菱夜經過。醉蹋大隄相應歌。屈平祠下沉江水。月照寒波白烟起。一曲南音此地聞。長安北望三千里。

秋風引

何處秋風至。蕭蕭送雁羣。朝來入庭樹。孤客最先聞。

莫謠歌

莫謠自生長。名字無符籍。市易雜蛟人。婚姻通木客。星居占泉眼。火種開山脊。夜渡千仞谿。含沙不能射。

蠻子歌

蠻語鉤輞音。蠻衣斑斕布。熏狸掘沙鼠。時節祠盤瓠。忽逢乘馬客。恍若驚鷹顧。腰斧上高山。意行無舊路。

洞庭秋月行

洞庭秋月生湖心。曾波萬頃如鎔金。孤輪徐轉光不定。遊氣濛濛隔寒鏡。是時白露三秋中。湖平月上天。地空岳陽城頭。莫角絕蕩漾。已過君山東。山城蒼蒼夜寂寂。水月逶迤繞城白。盪槳巴童歌竹枝。連檣估客吹羌笛。勢高夜久陰力全。金氣肅肅開清星。一作躔。浮雲野馬歸四裔。首冠遙望。星斗當中天。天雞相呼。

曙霞出。斂影含光讓朝日。日出喧喧人不閉。夜來清景非人間。

蹋歌詞四首

春江月出大隄平。隄上女郎連袂行。唱盡新詞歡一作看不見。紅霞映樹鷓鴣鳴。

桃蹊柳陌好經過。鐙下妝成月下歌。爲是襄王故宮地。至今猶自細腰多。  
新詞宛轉遞相傳。振袖傾鬟風露前。月落烏啼雲雨散。遊童陌上拾花鈿。  
日莫江頭聞竹枝。南人行樂北人悲。自從雪裏唱新曲。直到三春花盡時。

華清詞

日出驪山東。裴回照溫泉。樓臺影玲瓏。稍稍開白烟。言昔太上皇。常居此祈年。風中聞清樂。往往來列仙。  
翠華入五雲。紫氣歸上玄。哀哀生人淚。泣盡弓劍前。聖道本自我。凡情徒顛然。小臣感玄化。一望青冥天。

步虛祠二首

阿母種桃雲海際。花落子城三千歲。海風吹折最繁枝。跪捧瓊槃獻天帝。  
華表十年一鶴歸。凝丹爲頂雪爲衣。星星仙語人聽盡。卻向五雲鸞翅飛。

桃源行

漁舟何招招。浮在武陵水。拈綸擲餌信流去。誤入桃源行數里。清源尋盡花絲絲。蹋花覓逕至洞前。洞門  
蒼黑烟霧生。暗行數步逢虛明。俗人毛骨驚仙子。爭來致詞何至此。須臾皆破冰雪顏。笑言委曲問人間。

因嗟隱身來種玉。不知人世如風燭。筵羞石髓勸客餐。鐙爇松脂留客宿。雞聲犬聲遙相聞。曉光蔥籠開五雲。漁人振衣起出戶。滿庭無路花紛紛。飜然恐迷鄉縣處。一息不肯桃源住。桃花滿溪水似鏡。塵心如垢洗不去。仙家一出尋無蹤。至今水流山重重。

魏宮詞二首

日晚長秋簾外報。望陵歌舞在明朝。欲添鑪火一作添。熏衣麝。憶得分明不忍燒。

日映西陵松柏枝。下臺相顧一相思。朝來樂府長歌曲。唱著君王自作詞。

阿嬌怨

望見葳蕤舉翠華。試開金屋埽庭花。須臾宮女傳來信。言幸平陽公主家。

九華山并引

九華山在池州青陽縣西南。九峯競秀。神采奇異。昔予仰大華。以爲此外無奇。愛女兒荆山。以爲此外無秀。及今見九華。始悼前言之容易也。惜其地偏且遠。不爲世所稱。故歌以大之。

奇峯一見驚魂魄。意想洪鑪始開闢。疑是九龍天矯欲攀天。忽逢霹靂一聲化爲石。不然何至今。悠悠億

萬年。氣勢不死如騰翕。音驚。輕。舉兒。雲含幽兮月添冷。日一作凝輝兮江漾影。結根不得要路津。迴秀長在無

人境。軒皇封禪登云亭。大禹會計臨東溟。乘樛力追反。山行具。不來廣樂絕。獨與猿鳥愁青熒。君不見。敬亭之山

黃索漠。兀如斷岸無棱角。宣城謝守一首詩。遂使名聲齊五岳。九華山。九華山。自是造化一尤物。焉能籍

甚乎人閒

送春曲

春向晚。春晚思悠哉。風雲日已改。花葉自相催。漠漠空中去。何時天際來。  
春已暮。冉冉如人老。映葉見殘花。連天是青草。可憐桃與李。從此同桑棗。  
春景去。此去何時回。遊人千萬恨。落日高臺。寂寞繁花盡。流鶯歸不來。

初夏曲三首

銅壺方促夜。斗柄暫南回。稍嫌單衣重。初憐北戶開。西園花已盡。新月爲誰來。  
時節過繁華。陰陰千萬家。巢禽命子戲。園果墜枝斜。寂寞孤飛蝶。窺叢覓晚花。  
綠水風初暖。青林露未晞。麥田雉朝雊。桑野人莫歸。百舌悲花盡。無聲來去飛。

柳花詞三首

開從綠條上。散逐香風遠。故取花落時。悠揚占春晚。  
輕飛不假風。輕落不委地。撩亂舞晴空。發人無限思。  
晴天黯黯雪。來送青春莫。無意似多情。千家萬家去。

送春詞

昨來樓上迎春處。今日登樓又送歸。蘭麝殘妝含露泣。柳條長袖向風揮。佳人對鏡容色一作改。楚客臨

江心事遠萬古至今同此恨。無如一醉盡忘機。

秋詞二首

自古逢秋悲寂寥。我言秋日勝春朝。晴空一鶴排雲上。便引詩情到碧霄。  
山明水淨夜來霜。數樹深紅出淺黃。試上高樓清入骨。豈知一作如春色嗾人狂。

# 劉賓客文集卷二十七

## 樂府下

### 秦娘歌 并引

秦娘本韋尙書家主。謳者。初尙書爲吳郡。得之。命樂工誨之琵琶。使之歌且舞。無幾何。盡得其術。居一二歲。攜之以歸京師。京師多新聲善工。於是又捐去故技。以新聲度曲。而秦娘名字往往見稱於貴遊之間。元和初。尙書薨於東京。秦娘出居民間。久之。爲蘄州刺史張繇所得。其後繇坐事謫居武陵郡。繇卒。秦娘無所歸。地荒且遠。無有能知其容與藝者。故日抱樂器而哭。其音嗷殺以悲。雒客聞之。爲歌其事。以續於樂府云。

秦娘家本閩門西。門前綠水環金隄。有時妝成好天氣。走上臯橋折花戲。風流太守韋尙書。路傍忽見停。隼旛斗量明珠鳥傳意。紺幰迎人專城居。長鬢如雲衣似霧。錦茵羅薦承輕步。舞學驚鴻水榭春。歌撩上客蘭堂暮。從郎西入帝城中。貴遊響組香籠櫺。低鬟緩視抱明月。纖指破撥生胡風。繁華一旦有消歇。題劍無光履聲絕。洛陽舊宅生草萊。杜陵蕭蕭松柏哀。妝奩蟲網厚如繭。博山鑪側傾寒灰。蘄州刺史張公子。白馬新到銅駝里。自言買笑擲黃金。月墮雲中從此始。安知鵬鳥坐隅飛。寂寞旅魂招不歸。秦嘉鏡有前時結。韓壽香銷故篋衣。山城少人江水碧。斷雁哀猿風雨夕。朱弦已絕爲知音。雲鬢未秋私自惜。舉目



風煙非舊時。夢尋歸路多參差。如何將此千行淚。更灑湘江斑竹枝。

秋扇詞

莫道恩情無重來。人間榮謝遞相催。當時初入君懷袖。豈念寒鑪有死灰。

搗衣曲

爽砧應秋律。繁杵含淒風。一一遠相續。家家音不同。戶庭凝露清。伴侶明月中。長裾委襞積。輕珮垂瓏璫。汗餘衫更馥。鈿移麝半空。報寒驚邊雁。促思聞候蟲。天狼正芒角。虎落定相攻。盈篋寄何處。征人如轉蓬。

七夕二首

河鼓靈旗動。姮娥破鏡斜。滿空天是幕。徐轉斗爲車。機罷猶安石。橋成不礙查。甯知觀津女。竟夕望雲涯。

龍陽縣歌

縣門白日無塵土。百姓縣前挽魚罟。主人引客登大隄。小兒縱觀黃犬怒。鷓鴣驚鳴遠籬落。橘柚垂芬照窗戶。沙平草綠見吏稀。寂歷斜陽照懸鼓。

度桂嶺歌

桂陽嶺下下復高高。人稀鳥獸駭。地遠草木豪。寄言千金子。知余歌者勞。

插田歌并引

連州城下俯接村墟。偶登郡樓。適有所感。遂書其事。爲俚歌。以俟采詩者。

岡頭花草齊。燕子東西飛。田塍望如線。白水光參差。農夫白紵鬻。農父綠蓑衣。齊唱田中歌。嚶嚶如竹枝。但聞怨響音。不辨俚語詞。時時一大笑。此必相嘲嗤。水平苗漠漠。烟火生墟落。黃犬往復還。赤雞鳴且啄。路傍誰家郎。烏帽衫袖長。自言上計吏。年初一作離帝鄉。田夫語計吏。君家儂定諳。一來長安道。眼大不相參。計吏笑致辭。長安真大處。省門高轍蛾。儂入無度數。昨來補衛士。唯用筒竹布。君看二三年。我作官人去。

### 畚田行

何處好畚田。團團縵山腹。鑽龜得雨卦。上山燒臥木。驚麕走且顧。羣雉聲唧唧。紅焰遠成霞。輕煤一作飛入郭。風引上高岑。獵獵度青林。青林望靡靡。赤光低復起。照潭出老蛟。爆竹驚山鬼。夜色不見山。孤明星漢間。如星復如月。俱逐曉風滅。本從敲石光。遂致烘天熱。下種煖灰中。乘陽坼芽蘖。蒼蒼一雨後。苕穎如雲發。巴人拱手吟。耕耨不關心。由來得地勢。徑寸有餘陰。

### 蒲桃歌一作蒲萄

野田生蒲桃。纏繞一枝蒿。移來碧墀下。張王日日高。分岐浩繁縟。修蔓蟠詰曲。揚翹向庭柯。意思如有屬。爲之立長架。布濩當軒綠。米液漑其根。理疎看滲漉。繁葩組綬結。懸實珠璣盞。馬乳帶輕霜。龍鱗躍初旭。有客汾陰至。臨堂瞪雙目。自言我晉人。種此如種玉。釀之成美酒。令人飲不足。爲君博一斗。往取涼州牧。

鷓鴣吟

朝陽有鳴鳳。不聞千萬祀。鷓鴣催衆芳。晨間先入耳。秋風白露晞。從是爾啼時。如何上春日。唧唧滿庭飛。

牆陰歌

白日左右浮天潢。朝晡影入東西牆。昔爲兒童在陰戲。當時意小覺日長。東鄰侯家吹笙簧。隨陰促促移象牀。西鄰田舍乏糟糠。就影汲汲舂黃梁。因思八州四海外。家家只占牆陰內。莫言牆陰數尺間。老卻主人如等閑。君看眼前光景促。中心莫學大行山。

觀雲篇

興雲感陰氣。疾走如見機。晴來意態行。有若功成歸。蔥蘢含晚景。潔白凝秋暉。夜深度銀漢。漠漠仙人衣。

踏潮歌 并引

元和十年夏五月。終風駕濤。南海羨溢。南人曰。踏潮也。率三更歲一有之。余爲連州客。或爲予言其狀。因歌之。附於南越志。

屯門積日無回颺。滄波不歸成踏潮。轟如鞭石屹且搖。互空欲駕鼉鼉橋。驚湍蹙縮悍而驕。大陵高岸失峇堯。四邊無阻音響調。背負元氣掀重霄。介鯨得性方逍遙。仰鼻噓吸揚朱翹。海人狂顧迭相招。鬪衣鬢首聲噍噍。征南將軍登麗譙。赤旗指麾不敢囂。翌日風回沴氣消。歸濤納納景昭昭。烏泥白沙復滿海。海色不動如青瑤。

百花行

長安百花時。風景宜輕薄。無人不沽酒。何處不開樂。春風連夜動。微雨陵曉濯。紅焰出牆頭。雪光映樓角。繁紫韻松竹。遠黃遶籬落。臨路不勝愁。輕飛去何託。滿庭蕩魂魄。照廡成丹渥。瀾漫簇顛狂。飄零勸行樂。時節易晼晚。清陰覆池閣。唯有安石榴。當軒慰寂寞。

春有情篇

爲問遊春侶。春情何處尋。花含欲語意。草有鬪生心。雨頻催發色。雲輕不作陰。縱令無月夜。芳興暗中深。

路傍曲

南山宿雨晴。春入鳳皇城。處處聞弦管。無非送酒聲。

白鷺兒

白鷺兒。最高格。毛衣新成雪不敵。衆禽喧呼獨凝寂。孤眠芊芊草。久立潺潺石。前山正無雲。飛去入遙碧。

壯士行

陰風振寒郊。猛虎正咆哮。徐行出燒地。連吼入黃茅。壯士走馬去。鏡前彎玉弰。叱之使人立。一發如鉞交。悍睛忽星墮。飛血濺林梢。彪炳爲我席。羶腥充我庖。里中欣害除。賀酒紛號呶。明日長橋上。傾城看斬蛟。

邊風行

邊馬蕭蕭鳴。邊風滿磧生。暗添弓箭力。斗一作上鼓擊聲。襲月寒暈起。吹雲陰陳成。將軍占氣候。出號夜

翻營一作安城  
畏醜城

竹枝詞 井引

四方之歌異音而同樂。歲正月。余來建平。里中兒聯歌竹枝。吹短笛擊鼓以赴節。歌者揚袂睢舞。以曲多爲賢。聆其音。中黃鐘之羽。卒章激訐如吳聲。雖僮僮不可分。而含思宛轉。有淇濮之豔。昔屈原居沅湘間。其民迎神。詞多鄙陋。乃爲作九歌。到於今。荆楚鼓舞之。故余亦作竹枝詞九篇。俾善歌者颺之。附於末。後之聆巴歛。知變風之自焉。

白帝城頭春草生。白鹽山下蜀江清。南人上來歌一曲。北人莫一作陌上動鄉情。

山桃紅花滿上頭。蜀江春水拍山流。花紅易衰似郎意。水流無限似儂愁。  
江上朱樓新雨晴。瀼西春水穀文生。橋東橋西好楊柳。人來人去唱歌行。  
日出三竿春霧消。江頭蜀客駐蘭橈。憑寄狂夫書一紙。住在成都萬里橋。  
兩岸山花似雪開。家家春酒滿銀杯。昭君坊中多女伴。永安宮外蹋青來。  
城西門前豔瀨堆。年年波浪不能摧。懊惱人心不如石。少時東去復西來。  
瞿塘嘈嘈十二灘。此中道路古來難。長恨人心不如水。等閑平地起波瀾。  
巫峽蒼蒼烟雨時。清猿啼在最高枝。箇裏愁人腸自斷。由來不是此聲悲。  
山上層層桃李花。雲間烟火是人家。銀釧金釵來負水。長刀短笠去燒畬。

楊柳枝詞九首

塞北梅花羌笛吹。淮南桂樹小山詞。請君莫奏前朝曲。聽唱新翻楊柳枝。  
南陌東城春蚤時。相逢何處不依依。桃紅李白皆誇好。須得垂楊相發揮。  
鳳闕輕遮翡翠幃。龍池遙望麴塵絲。御溝春水相暉映。狂殺長安年少兒。  
金谷園中鶯亂飛。銅駝陌上好風吹。城東一作中桃李須臾盡。爭似垂楊無限時。  
花萼樓前初種時。美人樓上鬪腰支。如今拋擲長街裏。露葉如啼欲恨誰。  
煬帝行宮汴水濱。數株一作枝殘楊一作楊。柳不勝春晚來風。起花如雪。飛入宮牆不見人。  
御陌青門拂地垂。千條金縷萬條絲。如今綰作同心結。將贈行人知不知。  
城外春風吹酒旗。行人揮袂日西時。長安陌上無窮樹。唯有垂楊管別離。  
輕盈嫋娜占年華。舞樹妝樓處處遮。春盡絮飛留不得。隨風好去落誰家。

浪淘沙詞九首

九曲黃河萬里沙。浪淘風簸自天涯。如今直上銀河去。同到牽牛織女家。  
洛水橋邊春日斜。碧流輕一作清淺見瓊砂。無端陌上狂風急。驚起鴛鴦出浪沙。  
汴水東流虎眼文。一作紋清淮曉色鴨頭春。君看渡口淘沙處。渡卻人間多少人。  
鸚鵡洲頭浪颭沙。青樓春望日將斜。銜泥燕子爭歸舍。獨自狂夫不憶家。一作張籍詩

灑錦江邊兩岸花。春風吹浪正淘沙。女郎翦下鴛鴦錦。將向中流正晚霞。  
日照澄洲江霧開。淘金女伴滿江隈。美人首飾侯王印。盡是沙中浪底來。  
八月濤聲吼地來。頭高數丈觸山回。須臾卻入海門去。卷起沙堆似雪堆。  
莫道讒言如浪深。莫言遷客似沙沈。千淘萬灑雖辛苦。吹盡狂沙始到金。  
流水淘沙不暫停。前波未滅後波生。令人忽憶瀟湘渚。回唱迎神三兩聲。

瀟湘神一作詞二首

湘水流。湘水流。九疑雲物至今愁。君問二妃何處所。零陵香草露一作雨中秋。  
斑竹枝。斑竹枝。淚痕點點寄相思。楚客欲聽瑤瑟怨。瀟湘深夜月明時。

拋毬樂詞二首

五綵繡團圓。登君瑋瑋筵。最宜紅燭下。偏稱落花前。上客如先起。應須贈一船。  
春蚤見花枝。朝朝恨發遲。及看花落後。卻憶未開時。幸有拋毬樂。一杯君莫辭。

楊柳一無字詞二首

迎得春光先到來。淺黃輕綠映樓臺。只緣裊娜多情思。便被春風長請一作猜接。  
巫峽巫山楊柳多。朝雲暮雨遠相和。因想陽臺無限事。爲君回唱竹枝歌。

竹枝詞二首

楊柳青青江水平。聞郎江上唱歌聲。東邊日出西邊雨。道是無情一作晴還一作有情。  
楚水巴山江雨多。巴人能唱本鄉歌。今朝北客思歸去。回入紇那披綠羅。

紇那曲詞二首

楊柳鬱青青。竹枝無限情。周郎一回顧。聽唱紇那聲。  
蹋曲興無窮。調同詞不同。願郎千萬壽。長作主人翁。  
右已上詞。先不入集。伏緣播在樂章。今附於卷末。





劉賓客文集卷二十八

送別四十六首

送工部張侍郎入蕃弔祭

時張兼修史

月窟賓諸夏。雲官降九天。飾終鄰好重。錫命禮容全。水咽猶登隴。沙鳴稍極邊。路因乘驛近。志爲飲冰堅。毳帳差池見。烏旗搖曳前。歸來賜金石。榮耀自編年。

蚤秋送臺院楊侍御歸朝

兄弟四人。編歷諸科。二人在籍。一同作省。

仙署棣華春。時當已絕倫。今朝丹闕下。更入白眉人。重振高陽族。分居要路津。一門科第足。五府辟書頻。鷺鳥得秋氣。法星懸火旻。聖朝寰海靜。所至不埋輪。

送工部蕭郎中刑部李郎中並以本官兼中丞分命充京西京北覆糧使

霜簡映金章。相輝同舍郎。天威巡虎落。星使出鴛行。尊俎成全策。京坻閱見糧。歸來虜塵滅。畫地奏明光。

送李尚書鎮滑州

自浙西觀察徵拜兵部侍郎。月餘有此拜。

南徐報政入文昌。東郡須才別建章。視草名高同蜀客。擁旄年少勝荀周。一作周郎。黃河一曲當城下。緹騎千重照路傍。自古相門還出相。如今人望在巖廊。其後果章平之族。

送渾大夫赴豐州

自大鴻臚承舊勳拜

鳳銜新詔降恩華。又見旌旗出渾一作漢家。故吏來辭辛屬國。精兵願逐李輕車。氈裘君長迎風懼。錦領曾豪蹋雪衙。其奈明年好春日。無人喚看牡丹花。

送源中丞充新羅册立使侍中孫

相門才子稱華簪。持節東行捧德音。身帶霜威辭鳳闕。口傳天語到雞林。煙開鼉背千尋碧。日洛鯨波萬頃金。想見扶桑受恩後。一時西拜盡傾心。

送陸侍御歸淮南使府五韻用年字

江左重詩篇。陸生名久傳。鳳城來已熟。羊酪不嫌羶。歸路芙蓉府。離堂瑋瑋筵。泰山呈臘雪。隋柳布新年。曾忝揚州薦。因君達短牋。時段丞相鎮揚州警辟表薦

送太常蕭博士棄官歸養赴東都時元兄罷相為少師仲兄為郎官並分司洛邑

兄弟盡鴛鸞。歸心切問安。貪榮五采服。遂挂兩梁冠。侍膳曾調鼎。循陔更握蘭。從今別君後。長向德星看。

送王司馬之陝州自太常丞授工為詩

暫輟清齋出太常。空攜詩卷赴甘棠。府公既有朝中舊。司馬應容酒後狂。案牘來時唯署字。風烟入興便成章。兩京大道多遊客。每遇詞人戰一場。

洛中送楊處厚入關便遊蜀謁韋令公

洛陽秋日正淒淒。君去西秦更向西。舊學三冬今轉富。曾傷六翮養初齊。王城曉入一作日窺丹鳳。蜀路晴

來一作天見碧雞蚤識臥龍應有分不妨從此躡丹梯

洛中逢韓七中丞之吳興口號五首

昔年意氣結羣英。幾度朝回一字行。海北天一作江南零落盡。兩人相見洛陽城。

自從雲散各東西。每日歡娛卻慘悽。離別苦多相見少。一生心事在書題。  
今朝無意訴離杯。何況清弦急管催。本欲醉中輕遠別。不知翻引酒悲來。  
駱駝橋上蕪風起。鸚鵡橋中箬雨春。水碧山青知好處。開顏一笑向何人。  
溪中士女出箬籬。溪上鴛鴦避畫鸞。何處人間似仙境。春山攜妓採茶時。

送周使君罷渝州歸郢州別墅

君思郢上吟歸去。故自渝南擲郡章。野戍岸邊留畫舸。綠蘿陰下到山莊。池荷雨後衣香起。庭草春深綬帶長。只恐鳴騶催上道。不容待得晚菘嘗。

發華州留別張侍御

束簡下延閣。買符驅短轅。同人惜分袂。結念醉芳樽。切切別弦思。蕭蕭征騎煩。臨歧無限意。相視卻忘言。  
張詩云夫子生知者相期妙理中遂有忘言之句

奉送家兄歸王屋山隱居二首據道書王屋山一名陽洛山

陽洛夫壇上。依稀似玉京。夜分先見日。月淨遠聞笙。雲路將雞犬。丹臺有姓名。古來成道者。兄弟亦同行。

春來山事好。歸去憶逍遙。水淨苔莎色。露香芝朮苗。登臺吸瑞景。飛步翼神飈。願薦墳簞曲。相將學玉簫。

送王師魯協律赴湖南使幕

即永穆公之孫

翩翩馬上郎。驅傳渡三湘。橘樹沙洲暗。松醪酒肆香。素風傳竹帛。高價聘<sup>一作</sup>琳琅。楚水多蘭若。何人事

舉<sup>一作</sup>芳。

別友人後得書因以詩贈

前時送君去。揮手青門橋。路轉不相見。猶聞馬蕭蕭。今得出關書。行塵日已遙。春還遲君至。共結芳蘭苕。

奉送浙西李僕射相公赴鎮

奉送至臨泉驛書札見徵拙詩時在汝州

建節東行是舊遊。歡聲喜氣滿吳州。郡人重得黃丞相。童子爭迎郭細侯。詔下初辭温室樹。夢中先到景陽樓。自憐不識平津問。遙望旌旗汝水頭。

重送浙西李相公頃廉問江南已經七載後歷滑臺劍南兩鎮遂入相今復領舊地新加旌旄

江北萬人看玉節。江南千騎引金鐃。鳳從池上遊滄海。鶴到遼東識舊巢。城下清波含百谷。窗中遠岫列三茅。碧雞白馬回翔久。卻憶朱方是樂郊。

送華陰尉張若赴邕府使幕

張即燕公之孫頃坐事除名

昔忝南宮郎。往來東觀頻。嘗披燕公傳。聳若窺三辰。翊聖崇國本。保<sup>一作</sup>賢正朝倫。高視緬今古。清風負

無鄰。蘭綺照通衢。一家十朱輪。鄴國嗣侯絕。薦<sup>一作</sup>鄉貴<sup>一作</sup>世業。貧夫子承大名。少年振芳塵。青袍仙掌

下。矯首陵烟旻。公治本非罪。潘郎一爲民。風霜苦搖落。堅白無緇磷。一旦逢良時。天光燭幽淪。重爲長裾客。佐彼觀風臣。分野窮禹畫。人烟過虞巡。不言此行遠。所樂相知新。雨起巫山陽。鳥鳴湘水濱。離筵出蒼莽。別曲多愁辛。今朝一杯酒。明日千里人。一作從此孤舟去。悠悠天海春。

### 送湘陽熊判官孺登府罷歸鍾陵因寄呈江西裴中丞二十三兄

射策志未就。從事府去除。篋留馬卿賦。袖有劉弘書。忽見夏木深。悵然憶我廬。復持州民刺。歸謁專城居。君家誠易知。勝絕傾里閭。人言北郭生。門有卿相輿。鍾陵藹一作千里。帶郭西江水。朱檻照河宮。旗亭綠

雲裏。前年初缺守。慎簡由宸扆。臨軒弄郡章。得人方付此。是時左馮翊。天下第一理。責臣持牙璋。俊詔發

青紙。迎風汚吏免。先令疲人喜。何武劾腐儒。陳蕃禮高士。昔升君子堂。腰下綬猶黃。中丞時爲萬年尉汾陰有寶

氣。赤堇多奇鏃。束簡下曲臺。佩鞬來歷陽。綺筵陪一笑。蘭室謔餘芳。風水忽異勢。江湖遂相忘。因君儻借

問。爲話老滄浪。中丞爲博士製相國柳宜城監識者避之頃擢予以其本厥後牧和州節度使。仲司徒以中丞材譽俱高。欲令軍製。以重戎府。故授以本州團練使。滿坐觀。腰鞬禮成。職甚相視。

而笑。後房燕樂。下夜繼談。予忝司徒之賓。時優未坐。初中丞自尙書屯田員外郎出守。踵其武者。今給事中。穆公代給事者。右丞段公。予不佞。繼右丞之後。故曰襲餘芳焉。

### 送韋秀才道沖赴制舉

驚禽一辭巢。棲息無少安。秋扇一離手。流塵蔽霜紈。故侶不可追。涼風日已寒。遠逢杜陵士。別盡平生歡。逐客無印綬。楚江多芷蘭。因君時暇遊。長缺不復彈。閱書南軒霽。緘瑟清夜闌。萬境身外寂。一椀腹中寬。伊昔玄宗朝。冬卿冠鴛鸞。肅穆升內殿。從容領儒冠。游夏無措詞。陽秋垂不刊。至今羣玉府。學者空縱觀。

世人希德門。揭若攀峯巒。之子向明訓。鏘如振琅玕。一旦西上書。斑裳拂征鞍。荆臺宿暮雨。漢水浮春瀾。君門起天中。多士如星攢。烟霞覆雙闕。拊舞羅千官。清漏滴銅壺。仙廚下雕槃。燧煌仰金榜。錯落飛濡翰。古來長策人。一作才傑士所歎遭時難。一鳴從此始。相望青雲端。

送李策秀才還湖南因寄幕中親故兼簡衡州呂一作李八郎中

深春風日淨。晝長幽鳥鳴。僕夫前致辭。門有白面生。攝衣相問訊。解帶坐南榮。端志見眉睫。苦言發精誠。因出懷中文。調孤詞亦清。悄如促柱弦。掩抑多不平。乃言本蜀士。世降岷山靈。前人秉懿文。高視來上京。曳綬司徒府。所從信國楨。析薪委空林。善響難繼聲。何處翳附郭。幾人思郢城。一作成雲天望喬木。風水悲

流萍。前與計吏西。始列貢士名。森然就筆札。從試春官卿。帝城歧路多。萬足伺晨星。茫茫風塵中。工拙同有營。寒女勞夜織。山苗榮寸莖。侯門方擊鐘。衣褐誰將迎。弱羽果摧頽。壯心鬱怳怳。諒無蟠木容。聊復蓬累行。昨日訊靈龜。繇言利艱貞。當求捨拔中。必在審己明。誓將息薄遊。焦思窮筆精。蒔蘭在幽渚。安得揚藜馨。曰一作嗟。余摧落者。散質負華纓。一聆苦辛詞。再動伊鬱情。身棄言不重。愛才心尙驚。悵無羊角風。使爾化北溟。論罷情益親。涉旬忘歸程。日攜邑中客。閑眺江上城。晝渴一作鶻。命金壘。霄談轉璿衡。薰風香塵

尾。月露濡桃笙。忽被戒羸驂。薄言事南征。火雲蔚千里。旅思浩已盈。湘江含碧虛。衡嶺浮翠晶。豈伊山水異。適與人事并。油幕似崑邱。粲然疊瑤瓊。庾樓見清月。孔座多綠醞。復有衡山守。本自雲龍庭。至和在靈府。發越倅咸英。一麾出滎陽。惠彼嗤嗤氓。隼旗辭灞水。居者皆涕零。惟昔與伊人。交歡在夙齡。一從雲雨

散滋我鄙悃。北渚不堪愁。南音誰復聽。離憂若去水。浩漾無時停。嘗聞祝融峯。上有神禹銘。古石琅玕姿。祕文螭虎形。聖功奠遠服。神物擁休禎。賢人在其下。仿佛疑蓬瀛。君行歷郡齋。大袂拂雙旌。飾容遇朗鑒。肝鬲可以呈。昔日馬相如。臨邛坐盡傾。勉君刷羽翰。蚤取凌青冥。

送張盥赴舉 并引

古人以借受學爲同門友。今人以借升名爲同年友。其語熟見。搢紳者皆道焉。余於張盥爲友人。由是道也。曩吾見爾之始生。以老成爲祝。今吾見爾之成人。以未立爲憂。吾不幸嚮所謂同年友。當其盛時。聯袂齊鑣。互絕九衢。若屏風然。今來落落如曙星之相望。借曰昔日會合不煩異席。可長太息哉。然而尙書右丞衛大受。兵部侍郎武庭碩二君者。當時偉人。咸萬夫之望。足以訂十朋之多也。第如京師。無騷騷爾。無忻忻爾。時秋也。吾爲若叩商之謳。幸有感夫二君子。

爾生始懸弧。我作座上賓。引箸舉湯餅。祝詞天麒麟。今成一丈夫。坎軻愁風塵。長裾來謁我。自號廬山人。道舊與撫孤。悄然傷我神。依依見眉睫。嘿嘿含悲辛。永懷同年友。追想出谷晨。三十二君子。齊飛陵烟旻。曲江一會時。後會已彫淪。况今三十載。閱世難重陳。盛時一已過。來者日日新。不如搖落樹。重有明年春。火後見琮璜。霜餘識松筠。肅機一作風乃獨秀。武部一作抱亦絕倫。爾今持我詩。西見二重臣。成賢必念舊。保貴一作節在安貧。清時爲丞郎。氣力侔陶鈞。乞取斗升水。因之雲漢津。

送裴處士應制舉 并引



晉人裴昌禹讀書數十卷。於周官小戴禮尤邃性。是古敢言。雖侯王不能卑下。故與世相參差。凡抵有位。以索合行。天下幾反。戶依循常歎諸侯莫可遊。欲一見天子而未有路。會今年詔書徵賢良。昌禹大喜。以爲盡可以豁平生。搏髀爵爵一無字。躍曰。一觀雲龍庭足矣。絲是裏三月糧而西徂。咨余以七言爲西一無字。遊之資藉耳。

裴生久在風塵裏。氣勁言高少知己。注書曾學鄭司農。歷國多於孔夫子。往年訪我到連州。無窮絕境終日遊。登山雨中試蠟屐。入洞夏裏披貂裘。白帝城邊又相遇。斂翼三年不飛去。忽然結束如秋蓬。自稱對策明光宮。人言策中說何事。掉頭不答看飛鴻。彤庭翠松迎曉日。鳳銜金榜雲間出。中貴腰鞭立傾酒。宰臣委佩觀搖筆。古稱射策如鸞弧。一發偶中何時無。由來草澤無忌諱。努力滿挽當雲衢。憶得童年識君處。嘉禾驛後聯牆住。垂鉤鬪得王餘魚。蹋芳共登蘇小墓。此事今同夢想間。相看一笑且開顏。老大希逢舊鄰里。爲君扶病到方一作山。

和州送錢侍御自宣州幕拜官便於華州觀省

五綵繡衣裳。當年正相侷。春風舊關路。歸去真多興。蘭陔行可採。蓮府猶回瞪。楊家紺幘迎。侍御即王相公貴壻謝

寄瑤華贈。

宣州崔相公

御街草泛灩。臺柏煙含凝。

一作

曾是平昔遊。無因理歸乘。

將赴汝州途出浚下留辭李相公

長安舊遊四十載。鄂渚一別十四年。後來富貴已零落。歲寒松柏猶依然。初逢貞元尙文主。雲闕天池共

翔舞相看卻數六朝臣。屈指如今無四五。夷門天下之咽喉。昔時往往生瘡疣。聯翩舊相來鎮壓。四海吐納皆通流。久別凡經幾多事。何由說得平生意。一作愁千思萬慮盡如空。一笑一言真可貴。一作休世間何事最殷勤。白頭將相逢。故人功成名遂會歸老。請向東山爲近鄰。

送令狐相公自僕射出鎮南梁

夏木正陰成。戎裝出帝京。沾襟辭闕淚。回首別鄉情。雲樹裏中路。風烟漢上城。前旌轉谷去。後騎蹋橋聲。久領鴛行重。無嫌虎綬輕。終當提一筆。再入副一作福蒼生。

送趙中丞自司金

直一作外郎轉官參山南令狐僕射幕府趙氏兄弟皆僕射門客

綠樹滿襖斜。西南蜀路賒。驛門臨白社。一作草縣道過黃花。相府開油幕。門生逐絳紗。行看布政後。還從入京華。

奉送裴司徒令公自東都留守再命太原

本封晉國公兩任相去十六年

星使出關東。兵符賜上公。山河歸舊國。管籥換離宮。行色旌旗動。軍聲鼓角雄。愛棠餘故吏。騎竹見新童。漢壘三秋靜。胡沙萬里空。其如天下望。且夕詠清風。

奉送李戶部侍郎自河南尹再除本官歸闕

昔年內署振雄詞。今日東都結去思。宮女猶傳洞簫賦。國人先詠袞衣詩。華星卻復文昌位。別鶴重歸太乙池。想到金閨待通籍。一時驚喜一作起見風儀。

送蘄州李郎中赴任

楚關蘄水路非賒。東望雲山日夕佳。薤葉照人呈夏簟。松花滿盃試新茶。樓中飲興因明月。江上詩情爲晚霞。北地交親長引領。蚤將亢鬢到京華。

洛中春末送杜錄事赴蘄州

尊前花下長相見。明日忽爲千里人。君過午橋回首望。洛城猶自有殘春。

夜宴福建盧侍御

一作侍郎  
又作常侍

宅因送之鎮

暫駐旌旗洛水隄。綺筵紅燭醉蘭閨。美人美酒長相逐。莫怕猿聲發建溪。

洛中送崔司業使君扶侍赴唐州

綠野方一作芳。城路殘春柳絮飛。風鳴驕驕馬。日照老萊衣。洛苑魚書至。江村雁戶歸。相思望淮水。雙鯉不

應稀。

送河南皇甫少尹赴絳州

祖帳臨周道。前旌指晉城。午橋羣吏散。亥字老人迎。詩酒同行一作同樂。別離方見情。從茲洛陽社。吟咏屬

書生。

送前進士蔡京赴學究科

時舊相一作崔相  
楊尙書掌選

耳聞戰鼓帶經鋤。振發名聲自里閭。已是世間能賦客。更攻窗下絕編書。朱門達者誰能識。絳帳諸生盡

不如。幸遇天官舊丞相。知君無翼上空虛。

送唐舍人出鎮閩中

暫辭鴛鴦出蓬瀛。忽擁貔貅鎮粵城。閩嶺夏雲迎阜蓋。建溪秋樹映紅旌。山川遠地由來好。富貴當年別有情。了卻人間婚嫁事。復歸朝右作公卿。

送盧處士歸嵩山別業

世業嵩山隱。雲深無四鄰。藥鑪燒姹女。酒甕貯賢人。曉日華陰霧。秋風函谷塵。送君從此去。鈴閣少談賓。

送李友路秀才赴舉

誰憐相門子。不語望秋山。生長執綺內。辛勤筆硯間。榮親在名字。好學棄官班。佇俟明年桂。高堂開笑顏。

送國子令狐博士赴興元覲省

相門才子高陽族。學省清資五品官。諫院過時榮棣萼。謝庭歸去踢芝蘭。山頭花帶烟嵐晚。棧底江涵雪水寒。伯仲到家人盡賀。柳營蓮府遞相歡。

送李二十九兄員外赴邠甯使幕

家襲韋平身業文。素風清白至今貧。南宮通籍新郎吏。西候一作族從戎舊主人。城外草黃秋有雪。峯頭烟靜虜無塵。鼎門爲別霜天晚。賸把離觴三五巡。

送分司陳郎中祇召直史館重修三聖實錄

蟬鳴官樹引行車。言自成周赴玉除。遠取南朝貴公子。重修東觀帝王書。常時載筆窺金匱。暇日登樓到石渠。若問舊人劉子政。如今頭白在商於。一作白首在南徐。

送李中丞赴楚州

緹騎朱旗入楚城。士林皆賀振家聲。兒童但喜迎賢守。故吏猶應記小名。萬頃水田連郭秀。四時煙月映淮清。憶君初得崑山玉。同向揚州攜手行。

送李庚先輩赴選

一家何啻十朱輪。諸父雙飛秉大鈞。曾脫素衣參幕客。卻爲精舍讀書人。離筵洛水侵橘色。征路函關向晚塵。今日山公舊賓主。一作山居賓主話。知君不負帝城春。

送廖參謀東遊二首

九陌逢君又別離。行雲別鶴本無期。望嵩樓上忽相見。看過花開花落時。繁花落盡君辭去。綠草垂楊引征路。東道諸侯皆故人。留連必是多情處。

送從弟郎中赴浙西并引

從弟三復十餘年間。凡三爲浙右從事。往年主公入相。薦敷登朝。中復從公鎮南。未幾而罷。昨以尙書外郎奉使至洛。旋承新命。改轅而東。三從公皆在舊地。徵諸故事。夙無其倫。故賦詩贈之。亦志異也。衡命出尙書。新恩換使車。漢庭無右者。梁苑重歸歟。又食建業水。曾依京口居。劉前軍傳云。本葛人世。家京口。共經何限

事賓主兩如初。



# 劉賓客文集卷二十九

## 送僧二十四首

贈別君素上人并引

曩子習禮之中庸。至不勉而中。不思而得。懽然知聖人之德。學以至於無學。然而斯言也。猶示行者以室廬之奧耳。求其徑術而布武未易得也。晚讀佛書。見大雄念物之普。級寶山而梯之。高揭慧火。巧鎔惡見。漢疎便門。傍束邪徑。其所證入。如舟沿川。未始念於前而日遠矣。夫何勉而思之邪。是余知突窳窳音奧於中。庸啓鍵闕於內典。會而歸之。猶初心也。不知予者。謂予困而後援佛。謂道有二焉。夫悟不因人。在心而已。其證也。猶暗人之享太牢。信知其味。而不能形於言。以聞於耳也。口耳之間。兼寸耳。尚不可使聞。它人之不吾知宜矣。開士君素。偶得予於所親。一麻棲草。千里來訪。素以道眼視予。予以所視視之。不由陞級。攜手智地。居數日。若有得而行。乃爲詩以見志云。

窮巷唯秋草。高僧獨扣門。相歡如舊識。問法到無言。水爲風生浪。珠非塵可昏。一作來皆是道。此別不銷魂。

送深法師遊南岳

上人本在資聖寺

師在白雲鄉。名登善法堂。十方傳句偈。八部會壇場。飛錫無定所。寶書留舊房。唯應銜草果。一作雁相送至



衡陽。

廣宣上人寄在蜀與韋令公唱和詩卷因以令公手札答詩示之

碧雲佳句久傳芳。會向成都住草堂。振錫常過長者宅。披文一作猶帶令公香。一時風景添詩思。八部人

天入道場。若許相期同結社。吾家本自有柴桑。

送僧仲嗣東遊兼寄呈靈澈上人

釋子道成神氣閑。住持曾上清涼山。晴空一作禮拜見真像。金毛玉髻卿雲間。西遊長安隸僧籍。本是門

前曲江碧。松間白日照寶書。竹下香泉灑瑤席。前時學得經論成。奔馳象馬開禪局。高筵談柄一麾拂。講

下聽徒如醉醒。舊聞南方多長一作禪。老次第來入荆門道。荊州本自重彌天。南朝塔廟猶依然。晏坐東陽

枯樹下。經行居止故臺邊。忽憶遺民社中客。爲我衡陽駐飛錫。講罷同尋相鶴經。閑來共蠟登山屐。一日

揚眉望沃州。自言王謝許同遊。憑將雜擬三十首。寄與江南湯慧休。

送僧元嵩南遊 并引

子策名二十年。百慮而無一得。然後知世所謂道。無非畏途。唯出世間法。可盡心耳。繇是在席硯者。多旁

行初切。四句之書。備將迎者。皆赤顛白足之侶。深入智地。靜通還源。客塵觀盡。妙氣來宅。內視胷中。猶煎

鍊然。開士元嵩。姓陶氏。本丹陽名家。世有人爵。不籍其資。於毗尼禪那。極細密之義。於初中後日。習總

持之門。妙音奮迅。願力招一作答。雅聞予事佛而佞。亟來相從。或問師隳形之自。對曰。小失怙恃。推棘心

以求上乘。積四十年。有羸老將至而不懈。始悲淩泉之有洌。今痛防墓之未遷。塗芻莫備。薪火恐滅。諸相皆離。此心長懸。雖萬性歸佛。盡爲釋種。如河入海。無復水名。然具一切智者。豈遺百行。求無量義者。甯容斷一有思。今聞南諸侯雅多大士。思扣以苦調。而希其末光。無客至前。有足悲者。予聞是說。已力不足而悲有餘。因爲詩以送之。庶乎踐霜露者。聆之有惻。

寶書翻譯學初成。振錫如飛。白足輕彭澤。因家凡幾世。靈山預會是前生。傳鏡已寤。無爲理。濡露猶懷罔極情。從此多逢大居士。何人不願解珠璣。

### 送如智法師遊辰州兼寄許評事

前日過蕭寺。看師上講筵。都人禮白足。施者散金錢。方便無非教。經行不廢禪。還知習居士。發論待彌天。

### 贈長沙讚頭陀

外道邪山千萬重。眞言一發盡摧峯。有時明月無人夜。獨向昭潭制惡龍。

### 送慧則法師歸上都因呈廣宣上人并引師

佛示滅後。大弟子演聖言而成經。傳心印曰法。承法而能專曰宗。由宗而分教曰支。坐而攝化者。勝義皆空之宗也。行而宣教者。摧破邪山之支也。釋子慧則生於像季。思濟劫濁。一作乃學於一支。開彼羣迷。以爲盡妙理者。莫如法門。變凡夫者。莫如佛土。悟無染者。莫如散花。故業於淨名。深達實相。自京師涉漢沔。歷鄢郢。登熊衡。一作湘。聽徒百千。耳感心化。法無住道行而歸。願予有社內之因。故言別之日。愛緣警起時。

也。秋盡詠江淹雜擬以送之。前見宣上人爲我多謝。

昨日東林看講時。都人象馬踴瑠璃。雪山童子應前世。金粟如來是本師。一錫言歸九城路。三衣曾拂萬年枝。休公久別如相問。楚客逢秋心更悲。

秋日過鴻舉法師寺院便送歸江陵并引

梵言沙門。猶華言去欲也。能離欲則方寸地虛。虛而萬景入。入必有所泄。乃形乎詞。詞妙而深者。必依於聲律。故自近古而降。釋子以詩聞於世者。相踵焉。因定而得境。故脩然以清。由慧而遣詞。故粹然以麗。信禪林之蘊萼。而識河之珠璣耳。初鴻舉學詩於荆郢間。私試竊詠。發於餘習。蓋棗楷之翠羽。弋者未之賈焉。今年至武陵。二千石始奇之。有起予之歎。以方袍親絳紗者。十有餘旬。繇是名稱聞而藪愈變。秋八月。余步出城東門謁仁祠。而鴻舉在焉。與之言移時。因告以將去。且曰。貧道雅聞東諸侯之工爲詩者。莫若武陵。今幸承其話言。如得法印寶山之下。宜有所持。豈徒衣緘之中。衆花而已。余聞是說。乃叩商而吟成一章。章八句。郡守以坐嘯餘詠。激清徵而應之。師其行乎。足以資一時中一無中字之學矣。  
看一作學。畫長廊徧尋僧一徑幽。小池兼鶴淨。古木帶蟬秋。客至茶煙起。禽歸講席收。浮杯明日去。相望水悠悠。

重送鴻舉赴江陵謁馬逢侍御

西北秋風彫蕙蘭。洞庭波上碧雲寒。茂陵才子江陵住。乞取新詩合掌看。

送僧方及南謁柳員外并引

北江僧方及旣出家依匡山。一時中頗屬詩。以攄思古詩人。暨今號爲能賦詩。有輒求其詞吟呻之拳拳。然多多益嗜。影不出山者十年。常發最高峯。四望天海。冲然有遠遊之志。頓錫而言曰。神馳而形闕者。方內之徒。及吾無方。闕於何者。繇是耳。得必目探之。意行必身隨之。雲遊焉。舍盧筵反。無迹而遠。予爲連州。居無何而方及至。出緘中詩一篇以貺予。其詞甚富。留一歲。觀其行。結矩如教。益多之一。且以行日來告。且曰。雅聞鳥喙之下。有賢諸侯。願躋其門。如蹈十地。敢乞詞以抵之。予唯而賦。顧其有重請之色。起於顏間耳。

昔事廬山遠。精舍虎溪東。朝陽照瀑水。樓閣虹霓中。騁望羨游雲。振衣若秋蓬。舊房閉松月。遠思吟江風。古寺歷頭陀。奇峯攀祝融。南登小桂嶺。卻望歸塞鴻。衣緘貯文章。自言學雕蟲。搶榆念陵厲。覆簷圖穹崇。遠郡多暇日。有詩訪禪宮。石門聳峭絕。竹院含空濛。幽響滴岩溜。晴芳飄野叢。海雲懸颺母。山果屬狙公。忽憶吳興郡。白蘋正蔥蘢。願言挹風采。邈若窺華嵩。桂水夏瀾急。火山宵焰紅。三衣濡菌露。一錫飛煙空。勿謂翻譯徒。不爲文雅雄。古來賞音者。焦爨得孤桐。按狙公宜斥賦字者。而越絕書有猿公。張衡賦南都。七字繇是而言。謂猿爲父。一作公舊矣。

贈日本僧智藏

浮杯萬里過滄溟。徧禮名山適性靈。深夜降龍潭水黑。新秋放鶴野田青。身無彼我那懷土。心會真如不

讀經爲問中華學道者。幾人雄猛得甯馨。

贈眼醫婆羅門僧

三秋傷望遠。一作遠望終日泣途窮。兩目今先暗。中年似老翁。看朱漸成碧。羞日不禁風。師有金篦術。如何爲

發蒙。

海陽湖別浩初師并引

瀟湘間無土山。無濁水。民乘是氣。往往清慧而文。長沙人浩初。生旣因地而清矣。故去輩洗慮。剔顛毛而壞其衣。居一都之殷。易與士會。得執本教。盡捐苛禮。自公侯守相。必賜其清閒。一作問耳目灌注。習浮於性。

而里中兒賢。適與浩初比者。嬰冠帶。象妻子。吏得以乘陵之。汨沒天慧。不得自奮。莫可望浩初之清光。於侯門上坐。第自吟羨而已。浩初益自多其術。尤勇於近達者。而歸之。往年之臨賀。唁侍郎楊公。留歲餘。公遺以七言詩。手筆於素。前年省柳儀。曹子龍城。又爲賦三篇。皆章書。今復來連山。以前所得雙南金。出於械。亟請余廣之。按師爲詩頗清。而奕基至第二一作三品二道。皆足以取幸於士大夫。宜薰餘習。以深入也。會吳郡以山水冠世。海陽又以奇甲一州。師慕道於泉石。宜篤。故攜之以嬉。及言。旋復引與共載於湖上。奕於樹石間。以植沃州之因緣。且賦詩具道真事。

近郭有殊境。獨遊常鮮懽。逢君駐緇錫。觀鬼稱林巒。湖滿景方霽。野香春未闌。愛泉移席近。聞石輟基看。風止松猶韻。花繁露晚乾。橋形出樹曲。岩影落池寒。湘東架險凡四橋。山下出泉。逗流爲池。泓澄可愛者。不可徧舉。故狀其境。以貽好事。別路千嶂。

裏詩情莫雲端。它年買山處。似此得隳官。

觀碁歌送僊師西遊

長沙男子東林師。閑讀藏經工奕碁。有時凝思如入定。暗覆一局誰能知。今年訪余來小桂。方袍袖中貯新勢。山城人一作無事愁日長。白晝懵懵眠匡牀。因君臨局看鬪智。不覺遲景沈西牆。自從山人遇樵子。直到開元王長史。前身後身付餘習。百變千化無窮已。初疑磊落曙天星。次見搏擊三秋兵。雁行布陳衆未曉。虎穴得子人皆驚。行盡三湘不逢敵。終日饒人捐機格。日言臺閣有知音。悠然遠起西遊心。商山夏木陰寂寂。好處裴回駐飛錫。忽思爭道畫平沙。獨笑無言心有適。藹藹京城在九天。貴遊豪士足華筵。此時一行出人意。賭取聲名不要錢。

贈別約師并引

荊州人文約。市井生而雲鶴性。故去輩爲浮圖。生寤而證入興南。抵六祖始生之墟。得道教甚悉。今年訪余於連州。且曰。貧道昔浮湘川。會柳儀曹。謫零陵。宅於佛寺。幸聯棟而居者有年。繇是時人大士得落耳界。夫聞爲見。因今日之來。曩時之因耳。時儀曹牧柳州。與八句贈別。

送鴻舉遊江南并引

師逢吳興守。相伴住禪扃。春雨同栽樹。秋鐙對講經。廬山曾結社。桂水遠揚舲。話舊還惆悵。天南望柳星。始余謫朗州。爾時是師振麻衣。斐然而前。持文篇以爲僧贊。唧唧而清。如蟲吟秋。自然之響。無有假合。有

足佳者。故爲賦二章以聲之。距今年過於建平。赤髭益蕃。文思益深。而內外學益富。旣訊已。探穢中出前。所與詩閱之。紙勞墨瘁。與我同來。因思夫冉冉之光。渾渾之輪。時而言有初中後之分。日而言有今昨明之稱。身而言有幼壯艾之期。乃至一馨歎。一彈指。中際皆具。何必求三生以異身邪。然而視余之文。昔與今有莛楹之別。視余之書。昔與今有鈞石之懸。視余之仕。昔與今乃唯阿之差耳。豈有工拙之數存乎。其間哉。蓋可勉而進者。與日月而至矣。彼儻來外物。雖日月無能至焉。是歲師告余遊江西。復爲賦七言。以爲遊地爾。

禪各學禪兼學文。出止初似無心雲。從風卷舒來何處。繚繞巴山不得去。山州古寺好閑居。讀盡龍王宮裏書。使君灘頭揀石硯。白帝城邊尋野蔬。忽然登高心瞥起。又欲浮杯信流水。烟波浩淼魚鳥憐。一作東去三千三百里。荆門峽斷無盤渦。湘平漢闊清光多。廬山霧開見瀑布。江西月淨聞漁歌。鍾陵八郡多名守。半是西方社中友。與師相見便談空。想得高齋師子吼。

送霽一作寶韻上人遊天台

曲江僧向松江見。又道天台看石橋。鶴戀故巢雲戀岫。比君猶自不逍遙。

送義舟師卻還黔南井引

黔之鄉。在秦楚爲爭地。近世人多過言其幽荒。以談笑。聞者又從而張皇之。猶夫束蘊逐原燎。或近乎語妖。適有沙門義舟道黔江而來。能畫地爲山川。及條其風俗。纖悉可信。且曰。貧道以一錫遊它方衆矣。至

黔而不知其遠。始遇前節使。而聞今節使。益賢而文。故其佐多才士。麾園之下。曳裙秉筆。彬然與兔園同風。蕃僧以外學嗜篇章。時或攝衣爲末至客。其來也。約主人乘秋風而還。今乞詞以颺之。如捧意珠。行住坐臥。知相好耳。余曰。唯命筆爲七言以應之。

黔江秋水浸雲霓。獨泛慈航路不迷。猿狖窺齋林葉動。蛟龍聞呪浪花低。如蓮半偈心常悟。問菊新詩手自攜。常說摩圍似靈鷲。卻將山屐上丹梯。

送景元師東歸并引

廬山僧景元袖詩一軸來謁。往往有句輕而適。如鶴雛襪襪。未有六翮而步舒視遠。戛然一唳。乃非泥滓問物。獻詩已斂。械而辭。且曰。其來也。與故山秋爲期。夫丐者僧事也。今無它語。唯文是求。故賦一篇。以代瓔珞耳。

東林寺裏一沙彌。心愛當時才子詩。山下偶隨流水出。秋來卻赴白雲期。灘難躡屐挑沙菜。路上停舟讀古碑。想到舊房拋錫杖。小松應有過檐枝。

送元曉

曉一無曉字

上人歸稽亭

重疊稽亭路。山僧歸獨行。遠峯斜日影。本寺舊鐘聲。徒侶問新事。烟雲含一作別情。應誇乞食處。蹋徧鳳凰城。

送惟良上人并引



以貌窺天者。曰乾然健。單于然而高。以數迎天者。曰其用四十有九。天果以有形而不能脫乎數。立象以推筮。旣成而遺之。古所謂神交造物者。非空言耳。軒皇受天命。其佐皆聖人。故得之。惟唐繼天。德如黃帝。有外臣一行。亦聖之徒。與刊厯考元。書成化去。今丹徒人惟良生而能知。非自外求。以乾坤之筮。當十期之數。凝神運指。上感躔次。視元黃溟滓。無倪有常。絕機泯知。獨以神會。數起於復之初九。音生乎黃鐘之宮。積微本隱。言與化合。夫天人之數。極而含變。變而靡不通。神趨鬼懼。不足駭也。惟良得一行之道。故亦慕其爲外臣。謬謂予爲世間聰明。子子來訪。初以說合。至於不言。言息而理冥。復申之以嗟歎。曰。師其庶幾乎。信神與之。而不能測神之所以付。信術通之。而不能知術之所以洩哉。余聞乎曾井蛙醢雞之不若也。長慶四年冬十一月甲子。語至夜艾。遂爲詩以誌焉。

高齋灑寒水。是夕山僧至。元牝無關鎖。瓊書捨一作拾文字。鐙明香滿室。月午霜凝地。語到不言時。世間人一作盡自睡。

送元簡上人適越

孤雲出岫本無依。勝境名山卽是歸。久向吳門遊好寺。還思越水洗塵機。浙江濤驚獅子吼。稽嶺峯疑靈鷲飛。更入天台石橋路。一作去垂珠璀璨拂三衣。

送宗密上人歸南山草堂寺因詣河南尹白侍郎

宿習修來得慧根。多聞第一卻忘言。自從七祖傳心印。不要三乘入便門。東泛滄江尋古迹。西歸紫閣出

塵喧。河南白尹大檀越。好把真經相對翻。



# 劉賓客文集卷三十

## 哀挽悲傷三十八首

### 德宗神武孝文皇帝挽歌二首

出震清多難。乘時播大鈞。操弦調六氣。揮翰動三辰。運偶升天日。哀深率土人。瑤池無轍迹。誰見屬車塵。  
鳳娶擁銘旌。威遲異吉行。漢儀陳祕器。楚挽咽繁聲。駐紵辭清廟。凝笳背直城。唯應留內傳。知是向蓬瀛。

### 敬宗睿武昭愍孝皇帝挽歌三首

寶厓方無限。仙期忽有涯。事親崇漢禮。傳聖法殷家。晚出芙蓉闕。春歸棠棣華。玉輪今日動。不是畫雲車。  
任賢勞夢寢。登位富春秋。欲遂東人幸。甯虞杞國憂。長楊收羽騎。太液泊龍舟。唯有衣冠在。年年愴月遊。  
講學金華殿。親耕鉤盾田。侍臣容諫獵。方士信求仙。虹影俄侵日。龍顏不上天。空餘水銀海。長照夜鐙前。

### 文宗元聖昭獻孝皇帝挽歌三首

繼體三才理。承顏九族親。禹功留海內。殷厓付天倫。調露曲長在。秋風詞尙新。本支方百代。先讓棣華春。  
月落宮車動。風淒儀仗間。路唯瞻鳳翥。人尙想龍顏。御宇方無事。乘雲遂不還。聖情悲望處。沈日下西山。  
享國十五載。升天千萬年。龍鑣仙路遠。騎吹禮容全。日下初陵外。人悲舊劍前。周南有遺老。掩淚望秦川。  
故相國燕國公子司空挽歌二首

彤弓封舊國。黑綃繼前功。十年鎮南雍。九命作司空。池臺樂事盡。簫鼓葬儀雄。一代英豪氣。曉散白楊風。陰山貴公子。來葬五陵西。前馬悲無主。猶帶朔風嘶。漢水青山郭。襄陽白銅鞮。至今有遺愛。日暮人悽悽。

重至衡陽傷柳儀曹并引

元和乙未歲。與故人柳子厚臨湘水爲別。柳浮舟適柳州。余登陸赴連州。後五年。余從故道出桂嶺。至前別處。而君沒於南中。因賦詩以投弔。

憶昨與故人。湘江岸頭別。我馬映林嘶。君颿轉山滅。馬嘶循故道。颿滅如流電。千里江籬春。故人今不見。

謫居悼往二首

邑邑何邑邑。長沙地卑溼。樓上見春多。花前恨風急。猿愁腸斷叫。鶴病翹趾立。牛衣獨自眠。誰哀仲卿泣。鬱鬱何鬱鬱。長安遠於一作如日。終日念鄉關。燕來鴻復還。潘岳歲寒思。屈平顛顛顏。殷勤望歸路。無雨卽

登山。

哭呂衡州時余方謫居

一夜霜風彫玉芝。蒼生望絕士林悲。空懷濟世安人略。不見男婚女嫁時。遺草一函歸太史。旅一作孤墳三尺近要離。朔方從歲行當滿。欲爲君刊第二碑。

遙傷段右丞江湖舊遊南宮交代

江海多豪氣。朝廷有直聲。何言馬蹄下。一旦是佳城。

傷桃源薛道士

壇邊松在鶴巢空。白鹿閑行舊逕中。手植紅桃千樹發。滿山無主任春風。

王思道碑堂下作

蒼蒼宰樹起寒烟。尚有威名海內傳。四府舊聞多故吏。幾人垂淚拜碑前。

遙傷邱中丞并引

河南邱絳有詞藻。與余同升進士科。從事鄴下。不幸遇害。故爲傷詞。

鄴下殺才子。蒼忙冤氣凝。枯楊映漳水。野火上西陵。馬鬣今無所。龍門昔共登。何人爲弔客。唯是有青蠅。

傷獨孤舍人并引

貞元中。余以御史監祠事河南。獨孤生始仕爲奉禮郎。有事宗廟郊時。必與之俱。繇是甚熟。及余謫武陵。九年間。獨孤生仕至中書舍人。視草禁中。上方許以宰相。元和十年春。余祇召抵京師。次都亭日。舍人疾不起。余聞因作傷詞以爲弔。

昔別一年少。今悲喪國華。遠來同社燕。不見早梅花。

途次敷水驛伏觀華州舅氏昔日行縣題詩處潸然有感

昔日股肱守。朱輪茲地遊。繁華日已謝。章句此空留。蔓草佳城閉。故林棠樹秋。今來重垂淚。不忍過西州。

湖南觀察使故相國袁公挽歌三首

五驅龍虎節。一入鳳凰池。令尹自無喜。羊公人不疑。天歸京兆日。葉下洞庭時。湘水秋風至。淒涼吹素旗。丹旄發江臯。人悲雁亦號。湘南罷亥市。漢上改詞曹。表墓雙碑立。尊名一字褒。常聞平楚獄。爲報里門高。返葬三千里。荆衡達帝畿。逢人卽故吏。拜奠盡沾衣。地得青烏相。賓驚白鶴飛。五公碑尙在。今日亦同歸。

代靖安佳人怨二首并引

靖安丞相公武居里名也。元和十一年六月。公將朝。夜漏未盡三刻。騎出里門。遇盜。薨於牆下。初公爲郎。余爲御史。繇是有舊故。今守於遠。服賤不可以誅。又不得爲歌詩聲於楚。挽故代作佳人怨。以裨於樂府云。

寶馬鳴珂。蹋曉塵。魚文匕首犯車茵。適來行哭里門外。昨夜華堂歌舞人。乘燭朝天遂不回。路人彈指望高臺。牆東便是傷心地。夜夜秋螢飛去來。

傷愚溪三首并引

故人柳子厚之謫永州。得勝地。結茅樹蔬。爲沼沚。爲臺榭。目曰愚溪。柳子歿三年。有僧遊零陵。告余曰。愚溪無復曩時矣。一聞僧言。悲不能自勝。遂以所聞爲七言。以寄恨。

溪水悠悠春自來。草堂無主燕飛回。隔簾惟見中庭草。一樹山榴依舊開。

草聖數行留敗壁。木奴千樹屬鄰家。唯見里門通德榜。殘陽寂寞出樵車。

柳門竹巷依依在。野草青苔日日下。下日字一作月多縱有鄰人解吹笛。山陽舊侶一作更誰過。

碧澗寺見元九侍御和展上人詩有三生之句因以和

廊下題詩滿壁塵。塔前松樹已鱗皴。一作鱗皴古來唯有王文度。重見平生竺道人。

傷秦姝行并引

河南房開士前爲虞部郎中。爲余語曰。我得善箏人於長安懷遠里。其後開士爲赤縣牧容州。求國工而誨之。藝工而夭。今年開士遺子新詩。有悼佳人之目。顧予知所自也。惜真有良技。獲所從而不可久。乃爲傷詞以貽開士。

長安二月花滿城。插花女兒弄銀箏。南宮仙郎下朝晚。曲頭駐馬聞新聲。馬蹄逶遲心蕩漾。高樓已遠猶頻望。此時意重金。千金輕。烏傳消息紺輪迎。芳筵銀燭一相見。淺笑低鬟初目成。蜀弦錚鏘指如玉。皇帝弟子韋家曲。青牛文梓赤金簧。玫瑰寶柱秋雁行。斂蛾收袂凝清光。抽弦緩調怨且長。八鸞鏘鏘渡銀漢。九雛威鳳鳴朝陽。曲終韻盡意不足。餘思悄絕愁空堂。從郎鎮南別城闕。樓船理曲瀟湘月。馮夷躑躅舞淥波。蛟人出聽停綃梭。北池含煙瑤草短。萬松亭下清風滿。北池萬松皆容州勝梅秦聲一作一曲此時聞。嶺泉嗚咽南雲一作腸。斷來自長陵。小市東。舜華零落瘴江風。侍兒掩泣收銀甲。鸚鵡不言愁玉籠。博山鑪中香自滅。鏡奩塵暗同心結。從此東山非昔遊。長嗟人與弦俱絕。

夔州竇員外使君見示悼妓詩。顧余嘗識之。一作因命同作。

前年曾見兩鬢時。今日驚吟悼妓詩。鳳管學成知有籍。龍媒欲換歎無期。空廊月照常行地。後院花開舊



折枝寂寞魚山青草裏，何人更立智瓊祠。

寶夔州見寄寒食日憶故姬小紅吹笙因和之

鸞聲窈眇管參差，清韻初調衆樂隨。  
幽院妝成花下弄，高樓月好夜深吹。  
忽驚莫槿雨一作飄零盡，唯有朝雲夢想期。  
聞道今年寒食日，東山舊路獨行遲。

傷循州渾尚書

貴人淪落路人哀，碧海一作水連天丹旆回。  
遙想長安此時節，朱門深巷百花開。

哭龐京兆少年有俊氣嘗擢制科之首

俊骨英才氣褻然，策名飛步冠羣賢。  
逢時已自致高位，得疾還因倚少年。  
天上別歸京兆府，人間空歎茂陵阡。  
今朝總帳哭君處，前日見鋪歌舞筵。

再傷龐尹

京兆歸何處，章臺空暮塵。  
可憐鸞鏡下，哭殺畫眉人。

哭王僕射相公名播時兼鐵暴薨

子侯一作于侯又作子輿一日病，滕公千載歸。  
門庭颯一作慘已變，風物慘無輝。  
羣吏謁新府，舊賓沾素衣。  
歌堂忽暮

哭賀雀盡驚飛

傷韋賓客續自工部尚書除賓客

韋公八十餘。位至六尚書。五福唯無富。一生誰得如。桂枝攀最久。蘭省出仍初。海內時流盡。何人動素車。

再經故元九相公宅池上作

故池春又至。一到一傷情。雁鷺羣猶下。蛙蠃一作衣已生。竹叢身後長。臺勢雨來傾。六尺孤安一作在。人

間未有名。



# 劉賓客文集補遺

## 絕編生墓表

顧象吳郡人。食力於武陵沅水上。以讀易聞病。且死。飭其子曰。吾年十有五。而受易於師。積六十三年於茲。未嘗一日不吟乎繫象。里中兒從吾讀其文多矣。死則必葬我於黨庠之側。尙其有知。且聞吾書。君子曰。若象者。可謂志篤於學矣。因以絕編生諡之。且表其墓。後之讀功令者。或采焉。予旣謫居是邦。始至之日。問能道古語。可與言者。邑子以生爲對。旣而執贄請見之。生危冠大袂。闊視雅拜。及門。知讓。候肅而後入。又肅而躋階。心存聖言。潤徹眉睫。有野態而無苟容。問其所執。曰。幼學易。老而尤嗜。問安學。曰。始聞於師。晚熟於心。自尼父兼三才。緇八索。繫辭焉。以通微言。與伏羲文王並行。猶天三辰同麗太<sub>一作</sub>極。秦脫火患。完文顯行。漢之田一。劉京而東京。有馬鄭。魏之何荀兩王。而吳有韋陸。前者導源。後者灑之。渾融混合。百派犇湊。唐興。沙門一行。方洩天機。以探古人。神友造物。智樹人事。制動也有柅。變道也亡方。巖之支流。委輸於我。其它細繹祖述。三十有餘家。朱藍之樸。斲之爲羽翼。爲鼓吹。疇咨天人之際。旁魄上下。驚精於擗。撫匱巧於穿鑿。猶制氏之於樂。鏗鏘而已。徐氏之於禮。善容而已。然而前修之盡心也。得以味腴。蹇芳焉。手胝於運管。目矚於臨燭。而氣耗於咏呻。家居亡訾。不能與計偕。地偏且遠。已有能晤語者。心愈苦而迹愈卑。寒膚曠腹。以至於耄老。微夫子之問。持是安施乎。它日子造其室。廬瓢簞在左。污尊在右。有龜枵然有口。甚澤。余擻善指骨而訊之。曰。是疊疊者。曾不予欺乎。生攸爾而對云。古先聖人。知道之妙。不可

搏而得也。故設象以致意。梯有以取亡。取當其粗。用當其精。夫權衡所以揣輕重。不爲捶鉤者設也。尋尺所以商遠邇。不爲運斤者設也。龜筮所以決羣疑。不爲知幾者設也。幾存乎人。是則以天時爲卦體。以地理爲爻位。外附人事以象焉。內取諸身以象焉。得樞於寰中。迎數於象外。自然之理。不知其然。雖欲強名。措說無地。彼枯莖朽殼。安能與於此乎。今夫撲之以至刑。灼之以殆盡。徒與夫蚩蚩者問歉穰。占熊虺。起訟需食。亡羊喪牛之間耳。資其握粟。以糊予口。烏足爲夫子道哉。予以斯言。遂於易。故書之。噫。國有大學。學有館。以延顓門。若生者。苦形役志。如是其顓也。茹經於腹。湮滅糞壤。壁水湯湯。不聞其聲。摧藏樸漱。與山木同朽。豈地遠然耶。彼文甲粹毛。剽筋壽草。嶺嶠之華實。炎溟之蜃蝦。飛苞驛筐。所至而貴。夫豈貴邇也哉。悅者衆故也。生之死在元和七年秋七月。由死之日推而上求。直治生之辰。得四百有七十甲子。葬在征渚西右磯山。其墳可隱。東望里塾。尙行其志云。

## 正妒

梁武平齊。盡有其內。獲侍兒十餘輩。頗娛於目。俄爲郗后所察。動止皆有隔。拗拗其憤。志殆欲成疹。左右識其情者。進言曰。臣嘗讀山海經云。以鷓鴣爲膳。可以療其事。使不忌。陛下盍試諸。梁武從之。郗茹之後。妒滅殆半。帝愈神其事。左右復言曰。願陛下廣羞諸。以徧賜羣臣。使不才者無妒於有才。挾私者不妒於奉公。濁者不妒其清。貪者不忌其廉。俾其惡去。勝忌前。皆如革心。亦助化之一端也。帝深然其言。將詔虞人廣捕之。會方崇內。誠於血生。其議遂寢。

